



BIBLIOTHECA  
UNIVERSITATIS  
HABSPURGICAE

587038

587040

1







587038-  
-587040 -

Mag. St. Dr.

307/14

C

Or  
du

D.

P  
DE  
mu  
pe,

Autou  
Cum

Re  
T



# DECRETA

SUMMORUM PONTIFICUM,

SACRÆ SEDIS

APOSTOLICÆ,

Quotannis à REGULARIBUS

temporibus certis legenda,

COLLECTA.

PER

REVERENDISSIMUM PATREM FRATREM

JOANNEM KERY,

Ordinis Sancti Pauli Primi Eremitæ

Priorem Generalem, AA. LL.

& Philosophiæ,

Nec non Sacræ Theologiæ Doctorem.


*Annò Domini M. DC. XC. IV.*

REIMPRESSA

Typis Clari Collegii Sandomiriensis Societatis JESU.

*Annò Domini 1747.*





# IMPRIMATUR.


Balthasar à Nolaren p. t.  
Un: Vien: Rector.

587040


I

*Judico dignum impressione.*

MICHAEL SICUTEN,  
Decanus Theologiæ.





INDEX



*Sacræ*

**C** vocis  
se Jan  
D  
bani D  
ta, De  
officij  
rendis  
post p  
Octav  
quot  
ctorit  
tionis




# I N D E X

## DECRETORUM

*Sacræ Sedis Apostolicæ, à Regularibus, quotannis certis temporibus legendorum.*

**C**onstitutio Clementis VIII. De largitione munerum, unà cum ejus confirmatione facta ab Urbano VIII. sub pœna privationis officij, vocisq; activæ & passivæ, ipsô jure incurrendis, mense Januariô legenda.

Decreta S. Congregationis Concilij, S. D. N. Urbani Divinâ Providentiâ Papæ VIII. auctoritate edita, De Celebratione Missarum sub pœna privationis officij ac vocis activæ & passivæ, ipsô factô incurrendis, legenda sextô quôque mense, id est feriâ 2. post primam Dominicam Adventûs, & Feriâ 6. post Octavam Corporis Christi, cum declarationibus aliquot Sac: Concilij S. D. N. Urbani Papæ VIII. auctoritate editis, super Decretis ejusdem Congregationis de celebratione Missarum.





*Index Decretorum*

Decretum S. D. N. Urbani VIII. Feriâ 5. die 14. Aprilis 1633. editum de observantia Constitutionum Apostolicarum, ac Decretorum pertinentium ad S. Officium, sub pœna privationis officij, & vocis activæ, ac passivæ, ipsô factô, alijsq; pœnis arbitriô suæ Sanctitatis, legendum Feriâ 6. post Octavam Assumptionis B. MARIÆ.

Decreta Sacræ Congregationis Concilij S. D. N. Urbani VIII. jussu edita, de Regularibus Apostatis & Ejectis sub pœna privationis omnium officiorum, vocisq; activæ ac passivæ, ac perpetuæ inhabilitatis ad illa in posterum obtinenda, bis in anno legenda, die à Superiore præscribendâ.

Decreta Clementis VIII. de Reformatione Regularium, sub pœna privationis omnium officiorum, vocisq; activæ & passivæ, ac perpetuæ inhabilitatis ad illa in posterum obtinenda, bis in anno legenda, diebûs à Superiore designandis.

Decreta Clementis VIII. de Receptione Professione, ac Institutione Novitiorum sub pœnis ut supra, bis in anno legenda, diebûs à Superiore designandis.

CON-

C  
C

Unâ cu  
sub p  
v



optimè  
becillit  
tiâ pau





# CONSTITUTIO

## CLEMENTIS VIII.

### DE LARGITIONE MUNERUM,

*Unà cum ejus confirmatione, facta ab URBANO VIII.  
sub pœna privationis officij, vocisq; activæ & passi-  
væ, ipsò jure incurrendis, Mense Januariò  
legenda.*



Religiosæ Congregationes, ab insigni  
sanctitate viris Spiritûs Sancti affla-  
tu institutæ, tantas Ecclesiæ DEI  
utilitates omni tempore attulerunt,  
ut ad eas conservandas, & instau-  
randas Romani Pontifices Præde-  
cessores nostri, magnam jure opti-  
mò diligentiam semper adhibuerint:  
nam cum ea sit rerum humanarum  
conditio, & natura, ut etiam, quæ  
optimè fundata, & constituta sunt, partim hominum im-  
becillitate, & ad malum proclivitate, partim dæmonis astu-  
tiâ paulatim deficient, ac nisi curâ pervigili sustententur,

in



in deteriùs prolabantur; idcirco Summorum Pontificùm vigilantia, magnopere laboravit, ut Regularium Ordinùm disciplina, aut labefactata in pristinum restitueretur, aut salutaribùs Constitutionibùs communita, integra atque incolumis permaneret. Quorum Nos vestigijs pro eodem Officij munere insistere, & Pastoralem illorum sollicitudinem ( quantum possumus ) Divinâ adiutrice gratiâ, cupimus imitari. Quare ne ex muneribus, quæ à pluribus Religiosæ vitæ Professoribus, ex Christi patrimonio, quibusvis hominibus quavis ex causa sæpe tribuuntur, gravia incommoda, & mala, etiam boni specie existant, præcavere studentes, hâc nostrâ perpetuò valiturâ Constitutione universis, & singulis cujuscunque Ordinis mendicantium, vel non mendicantium bona immobilia, & redditus certos ex indulto Apostolico possidentium, vel non possidentium, seu cujusvis Congregationis, Societatis, & instituti [ non tamen Militiæ ] Regularibus personis utriuslibet sexûs omnem, & quamcunque largitionem, & missionem munerum penitus interdiciamus. Sub qua prohibitionem comprehendi volumus omnia, & singula Capitula, Conventus, & Congregationes, tam singulorum Conventuùm, Monasteriorum, Prioratuùm, Præpositurarum, Præceptoriarum, Domorum, & locorum, quàm Provincialia, aut Generalia cujuslibet Provinciæ, sive universi Ordinis, Societatis, aut instituti: eorumque vel earum Camerarios, Commissarios, & quoscunque, Officiales, & singulares Personas: ipsos etiam Ordinum, Congregationum, & Societatum hujusmodi Superiores quascunque dignitates obtinentes, etiam Generales, & Provinciales, Magistros, Ministros, & quoscunque nomine Præfectos nec non Conventuùm, Monasteriorum, Prioratuùm, Præpositurarum, Præceptoriarum, Domorum, & locorum quorumcunque Abbates, Priores, Præpositos, Præceptores, etiam

etiam m  
batissas  
ipsis Re  
Superio  
tempus  
rum di  
muni, q  
vis Stat  
alio pra  
gregatio  
Superio  
tale atte  
Id  
tur, ut  
fructibu  
butionib  
dijs cer  
sæ, seu  
quorum  
seu qua  
cunijs e  
commu  
luntaria  
si forsa  
Superio  
ribus, a  
etiam e  
intuitu  
giolum  
ut ad  
fuerint  
ad devo



### *Constitutio*

3

etiam majores, Gvardianos, Ministros, Rectores, atque Abbatissas, Priorissas, & aliò quòvis titulò Præsidentes, tam ipsis Regularibus, quàm locorum Ordinariis, seu quibusvis Superioribus subjectas utriuslibet sexûs ad vitam, vel ad tempus deputatos: aded, ut nemo unquam eorum, vel earum directè, vel indirectè, palam, vel occultè, tam communi, quàm particulari, & propriò nomine, etiam sub quovis Statuti, vel consuetudinis, seu veriùs corruptelæ, aut alio prætextu, vel quacunque causa nisi in Generali Congregatione re maturè disculsâ unanimi consensu omnium, Superiorumque permissu causa approbata fuerit, quicquam tale attentare valeat.

Id autem ita absolutè, & generatim vetitum intelligatur, ut neque omninò fas sit quidquam donare, tam ex fructibus, redditibus, & proventibus, collectis, vel contributionibus, aut oblationibus, sive eleemosynis, aut subsidij certis, vel incertis, ordinarijs, seu extraordinarijs, mensalæ, seu massæ communis, vel cujusvis Fabricæ, & Sacristiæ, quorum bona communiter, ut præfertur, administrantur, seu quæ rationibus reddendis sunt obnoxia, quàm ex pecunijs etiam, quæ à singulis quòvis modò acquisitæ in commune conferendæ omninò sunt. Nec, si per viam voluntariæ contributionis in commune congerantur. Nec si forsan privatim, & nominatim cuilibet Religioso à suis Superioribus, vel à proprijs affinibus, propinquis, familiaribus, amicis, aut benevolis, vel à pijs Christi fidelibus, etiam eleemosynæ, aut charitatis, & illius propriæ personæ intuitu attributæ, seu quòquomodò per quemlibet Religiosum suo Monasterio, Domui, aut loco acquisitæ, eique ut ad libitum de eis disponat per Superiores concessæ fuerint: præterquam leviora esculenta, aut poculenta, seu ad devotionem, vel Religionem pertinentia munuscula communi



muni tantum, nunquam verò particulari nōmine ( ubi Superiori de consensu Conventus videbitur ) tradenda.

Sed & huiusmodi missiones munerum, ipsis Religiosis utriuslibet sexus non solum per se, verum etiam per alios; tam directè, quàm indirectè, prohibitas declaramus.

Neque verò quispiam ab hac generali prohibitione se se excusare valeat, etiamsi munera miserit, cuivis personæ. Laicæ, vel Ecclesiasticæ cujuscunque statûs, gradûs, dignitatis, ordinis, vel conditionis, & quâvis non solum mundanâ, & Ducali, Regiâ, Imperiali, verum etiam Ecclesiasticâ, & Pontificali, aut aliâ majori, etiam S. R. Cardinalatûs dignitate fulgenti, etiam proprio Lociordinario, etiam ex causa, & occasione benedictionis, vel susceptionis habitûs Regularis, tonsionis, aut Professionis Monialium, tam sibi subditarum, quàm non subditarum, aut ipsi etiam proprio Ordinis, vel Congregationis Protectori, Vice-Protectori. Generali, vel Provinciali, aut cujusvis Monasterij, Prioratûs, domûs, aut cujuslibet alterius loci Regularis Superiori, aut aliô quocunque officiô, munere, aut dignitate fulgenti, vel cuicunque etiam simplici, & particulari Religioso. Ita ut inter ipsos quoque Religiosos ( ne pravâ ambitione impulsî pro consequendis in sua Religione gradibus & dignitatibus alter alterius gratiam aut benevolentiam aucupetur ) quæcunque largitio, aut donatio munerum ( nisi rerum minutarum, de licentia expressa, & in scriptis Superiorum ) sit penitus interdicta.

Insuper prohibemus, ne unquam eisdem Regularibus liceat ullas pecunias quôquomodô erogare in alicujus etiam Benefactoris, aut Protectoris, vel Ordinarij honorem, etiam occasione transitûs, vel primi ingressûs, aut ad Beneficiorum acceptorum memoriam, gratique animi testificationem, seu pro prædictis personis quâvis auctoritate, vel dignita;

dignitate  
endis, se  
teri quâ  
comessat  
nis, tam  
mûs au  
dis spec  
mos sac  
privatis  
clarum  
Domini  
prædicti  
pam, &  
lucrum,  
nisi re  
indigent  
cessitatis  
levandis  
nerale,  
præscrip  
De  
doctrin  
tem præ  
minui,  
ex func  
quorum  
modi l  
tibus, si  
deceat )  
gandos  
& ab L  
perum,



dignitate fulgentibus honorificè, lautè, & opiparè excipiendis, seu pro quibusvis convivijs eisdem, aut cuius alteri quâcunque occasione, vel causâ exhibendis, vel pro comestationibus, aut computationibus, quibusvis personis, tam ejusdem Ordinis Congregationis, Monasterij, domûs aut loci, quàm extraneis largiendis, aut pro exhibendis spectaculis, etiam pijs, intra Ecclesias, Monasteria, & domos sacras, seu pias vel extra eas, in quibusvis publicis aut privatis, sacris, aut profanis locis etiam ubi Sanctorum, & Sanctarum vita, aut res piè gestæ, etiam in memoriam Passionis Dominicæ populis spectandæ proponuntur, aut alias in prædictis, sive in quibusvis rebus supervacaneis, ad pompam, & ostentationem, aut oblectationem, vel paucorum lucrum, & privata commoda quomodolibet pertinentibus, nisi re ipsâ pro Divino cultu, & veris Christi pauperum indigentijs, servato in hoc charitatis ordine, & habitâ necessitatis ratione, de consilio, & consensu Superiorum sublevandis, aut alias in rebus licitis, & per Capitulum Generale, aut Provinciale non prohibitis, vel taxam ibi forsân præscriptam non excedentibus, sumptus hujusmodi fiant.

Declarantes tamen per hæc, laudabilem, & Apostolicâ doctrinâ, sacrisque Canonibus commendatam hospitalitatem præsertim erga pauperes & peregrinos, nequaquam imminui, aut prohiberi. Quinimo si qui redditus ad id, vel ex fundatione, vel ex institutis, aut consuetudinibus aliquorum Monasteriorum, Ordinum, aut Regularium hujusmodi locorum, aut ex testatorum, vel donantium voluntatibus, sive alias applicati, aut donati, sunt, eos omnino (ut decet) integrè in usus pios hospitalitatis hujusmodi erogandos esse, & præsertim in Monasterijs, seu locis desertis, & ab Laicorum ædibus longius remotis, ubi tamen pauperum, & verè egenorum ratio inprimis habeatur.



Si quos verò ditiores occasione transitus, sive alias ex devotionis aut necessitatis causa ed divertere contigerit, eos sanè deceret Refectoriò communi cum Religiosis; mensæque & ferculis communibûs, nequaquam à cæteris distinctis contentos esse. Verùm omnino ipsi Regulares in hospitibus hujusmodi potentioribus excipiendis ita se gerant, ut in eis frugalitas, & paupertas Religiosa prorsus eluceat.

Pari etiam ratione districtè inhibemus, ne quispiam ex prædictis, Laicus alias, quàm ut Superiùs dictum est, vel Clericus Secularis, vel Regularis quocunque honore, præminentia, nobilitate, aut excellentia etiam S. R. E. Cardinalatus dignitate præditus etiam Protector, Viceprotector, Locordinarius, Prælatus Cardinalis, Provincialis, aut Monasterij, Domus, vel loci cujuslibet Superior, eorumve affines, propinqui, familiares, aut Ministri utriuslibet sexus, quidquam contra hanc Superiùs expressam prohibitionem recipiant.

Quod si, vel ab aliquo particulari Religioso, vel à Superiore quopiam, Generali, Provinciali, aut alio quocunque officio fungente, aut à Conventu, Capitulo vel Congregatione; sive ab universo ordine & Religione quidquam receperint; id quod acceperint, suum non faciant. Verùm ipsò factò absque aliqua monitione, Judicis decreto, sententia, aut declaratione ad illius restitutionem omnino in utroque foro teneantur: adeo ut restitutione ipsa realiter non facta, neque etiam in foro conscientia absolvi possint.

Hanc autem restitutionem fieri volumus non privatim ei Religioso, qui donavit, sed ei Monasterio, Domui, vel alteri loco, de cujus bonis facta est largitio, vel si non de ejus bonis donatum est, in quo idem Religiosus donans professionem emisit, vel si nomine totius Capituli, aut Congregationis vel universi Ordinis, seu Religionis donatio facta

tio facta  
jus non  
ita ut no  
gatio O  
mittere  
tione re  
dere, q

Qu

sexus, c  
locorum  
nostraru  
tionum,  
fuerit, t  
tis dign  
vatus, e  
obtenen  
mia &  
nem vo  
to, aut  
modi p  
minum  
aut que  
dignisq

Pæ

Apostol  
Monast  
fonas  
& inflic

Q

pore ex  
& Offi  
tuum,  
Genera



tio facta extiterit; pariter communi mensæ, aut massæ, cujus nomine donatum fuerit, accepta munera restituantur, ita ut nec qui donavit, nec Conventus, Capitulum, Congregatio Ordo, aut Religio, cui restitutio facienda est illam remittere & iterum condonare, aut recipientem ab obligatione restituendi eximere, vel ut in pauperes eroget concedere, quòquòmodò possit.

Quod si quis ex supradictis Regularibus uttiuslibet sexûs, cujuscunque gradûs, ordinis, dignitatis, ac ubilibet locorum existentibus, conjunctim cum cæteris, seu divisim, nostrarum hujusmodi prohibitionum, statutorum, ordinationum, jussionum, decretorum, mandatorum transgressor fuerit, statuimus, ut omnibûs, & singulis per eum obtentis dignitatibûs, gradibûs, muneribûs, & officiis eo ipsò privatus, ac ad illa & alia similia, vel dissimilia in futurum obtinenda, inhabilis perpetuò, & incapax, ac perpetuâ infamiâ & ignominiâ notatus existat. Et præterea privationem vocis activæ, & passivæ absque ullo Superioris decreto, aut Ministerio, ipsò factò incurrat, nec non ultra hujusmodi pœnas, etiam tanquam contra furti, & simoniæ criminum reum, tam per viam denunciationis, accusationis, aut querelæ quàm etiam ex officio procedi, & inquire, condignisque suppliciis affici debeat.

Pœnis aliis à jure statutis ac per alias Constitutiones Apostolicas, aut propria cujusvis Ordinis, Congregationis, Monasterij, aut loci, statuta, vel consuetudines contra personas aliquid præmissorum commitentes forsan decretis, & inflictis, nihilominus in suo robore permansuris.

Quocirca universis, & singulis modernis, & pro tempore existentibus locorum ordinarijs, eorumque Vicarijs, & Officialibus, nec non quorumcunque Ordinum, Prioratum, Monasteriorum, & Domorum Superioribus, etiam Generalibus, seu Provincialibus, cæterisque ad quos spe-



Stat, per Apostolica scripta mandamus; quatenus ipsi, & eorum singuli, quantum ad eos pertinet, curent omni studio, diligentia, auctoritate, & vigilantia presentem Constitutionem firmiter & inviolate observari, & contra inobedientes, vel transgressores condignis penis animadverti. Eisdem inobedientes, nec non contradictores quoslibet, & rebelles per opportuna juris, & facti remedia, appellatione postposita compescendo, invocato etiam ad hoc ( si opus fuerit ) auxilio brachij secularis.

Non obstantibus Constitutionibus, & Ordinationibus Apostolicis, dictorumque Monasteriorum, Prioratum, Domorum, Locorum nec non Ordinum, Congregationum, Collegiorum, juramento, confirmatione Apostolica, vel quavis, firmitate alia roboratis, statutis, & consuetudinibus: privilegiis quoque indultis, & literis Apostolicis quorumcunque tenorem existant, per quas presentibus non expressa, vel ad verbum non inserta effectus presentis nostre Constitutionis impediri quomodolibet valeat, vel differri, & de quibus quorumque totis tenoribus habenda sit in nostris literis mentio specialis. Quæ omnia quatenus præmissis in aliquo adversetur, prorsus tollimus, & abrogamus cæterisque contrariis quibuscunque.

Volumus autem, ut præsentis literæ in valvis S. Jo: Lateranen: & Principis Apostolorum de Urbe Basilicarum, & in acie Campi Floræ publicentur affixis inibi earum exemplis, & dimissis. Quodque earum exempla, seu illorum compendia in libris quorumcunque Statutorum prædictorum Monasteriorum, Prioratuum, Collegiorum, Domorum, Ordinum & Congregationum ( quoad Moniales, in vernaculum, & vulgarem cujusque Regionis sermonem versa ) & à Lociordinario, qui id quamprimum fieri curet, subscripta inferantur; & saltem quotannis in Capitulis, sive Congre-

Congr  
ce leg  
blicatio  
quemq  
mens  
liter in

Notari  
Ecclesi  
judicio  
bus, si  
homin  
bitioni  
tionis,  
merari  
pferit,  
tri, &  
Romæ  
cæ, M  
decimo

S. D. I  
fir

DE I

NU  
phrij



### Constitutio

9

Congregationibus cujusque earum alta, & intelligibili voce legantur. Et nihilominus post sexaginta dies à die publicationis ( ut præfertur ) in Rom: Curia facienda unumquemque citra montes: ultra montes verò post quatuor menses, perinde arceant, & afficiant, ac si cuique personalliter intimata, & per eos jurata fuissent.

Quodque earum transumptis etiam impressis manu Notarij publici subscriptis, & sigillò personæ in dignitate Ecclesiastica constitutæ obsignatis, eadem prorsus fides in judicio, & extra illud ubique adhibeatur, eisdem præsentibus, si essent exhibitæ, vel ostensæ. Nulli ergo omnino hominum liceat hanc paginam nostrorum interdicti, prohibitionis, declarationis, inhibitionis, statuti, mandati, sublationis, abrogationis, & voluntatis infringere, vel ei ausu temerariò contraire. Si quis autem hoc attentare præsumpserit, indignationem Omnipotentis DEI, ac Beatorum Petri, & Pauli Apostolorum ejus, se noverit incursurum. Dat: Romæ in Monte Quirinali, Annò Incarnationis Domini- cæ, Millesimò quingentesimò nonagesimò quartò, Tertio decimò Kalend: Julij, Pontificatûs nostri Annò tertiò.

*S. D. N. Urbani Divinâ Providentiâ Papæ VIII. Con-  
firmatio declarationis Constitutionis Clementis  
Papæ VIII.*

**DE LARGITIONE MUNERUM REGULARI-  
BUS UTRIVSQUE SEXÛS INTERDICTA.**

**N**uper à Congregatione nonnullorum Romanæ Curie Prælatorum, coram dilecto filio nostro Antonio tituli S. Petri ad Vincula, Presbytero Cardinali S. Onuphrij nuncupato, majori Pænitentiario ac nostro in alma

B3

Urbe



Urbe Provicario, in spiritualibus Generali, & nostro secundum carnem fratre germano, à Nobis deputata emanavit declaratio tenoris subsequens, videlicet: Cum circa interpretationem Constitutionis fel: rec: Clementis VIII. de Largitione munerum, Regularibus utriusque sexus interdicta, nonnullæ difficultates, & ambiguitates, sint exortæ; Congregatio specialiter à Sanctissimo D. N. Urbano Divinâ Providentiâ Papa VIII. coram Eminentissimo Card: S. Onuphrij majori Pœnitentiario, ac Urbis Provicario deputata, auctoritate sibi attributa declaravit, & declarat, munera à Religiosis utriusque sexus tribui posse, ex causis gratitudinis conciliationis benevolentia, ejusque conservationis erga ipsam Religionem, vel Conventum, alijsve causis ex sui natura actum virtutis, & meriti continentibus, modeste tamen, ac discretè & dummodò id non fiat, nisi de Superiorum localium licentia, ac etiam cum consensu maioris partis Conventus, si talis consensus de jure vel ex Constitutionibus, seu consuetudinibus cujusque Religionis respectivè, in hujusmodi casibus requiratur. Consensum verò Conventus in § 3. ejusdem Constitutionis ad leviora esculenta aut potulentia, seu ad devotionem, & Religiositatem pertinentia, munuscula largienda &c. requisitum intelligi debere de consensu aliàs de jure requisito, & ubi concurrebat ambitionis suspicio, quâ cessante, nec in his requiri licentiam Superiorum in scriptis in § 4. ejusdem bullæ requisitam, sed sufficere licentiam, etiam oretenus eisdem concessam, declarat. Comestiones autem, compotationes, & convivia in excipiendis præsertim Benefactoribus. Protectoribus, vel Ordinarijs honorificè, & lautè, de quibus in § 5. & 6. ejusdem Constitutionis, censeri tantummodò prohibita, si decentiæ statûs Regularis adversentur. Restitutionem verò receptorum Conventibus faciendam, de qua in § 7. ibidem cau-

tum est  
nata se  
alias Co  
tita fui  
sibi trib  
stitutio  
perunt,  
fiētis, &  
solvi, in  
rerum  
verò, q  
triment  
inopiar  
jori Pæ  
sentium  
net, seu  
Domin  
mentis  
locales  
legij R  
væ, & p  
perpetu  
dicta C  
Sancti  
novat.  
conve  
Decret  
publica  
personi  
Ordini  
tâ dign  
derenti



tum est, intelligi debere de Conventibus, ad quos data, donata seu missa de jure pertinent, si id commodè fieri potest, aliàs Conventui ejusdem Religionis viciniori loco, ubi petita fuit absolutio, restituantur. Insuper eâdem facultate sibi tributâ, omnes, qui hucusque adversus supradictas Constitutiones, Capitula hîc moderata largiti fuerunt, vel receperunt, à pœnis quicunque in eadem Constitutione influctis, & incurfis posse, & debere à proprijs Confessarijs absolvi, in foro conscientîæ, etiam non factâ priùs hujusmodi rerum donatarum, seu datarum restitutione. Quoad eos verò, qui præter modum prædictum graviori Religionis detrimento largiendo, vel recipiendo transgressi sunt, sed ob inopiam restituere nequeunt, eadem Sanctitas concedit majori Pœnitentiario, vel de præteritis usque ad diem datæ præsentium, in foro conscientîæ absolvat, dispenset, & condonet, seu absolvi, dispensari, & condonari mandet, prout in Domino magis expedire judicaverit. Et ne prædictæ Clementis VIII. Constitutionis memoria dilabatur, Superiores locales cujuscunque Monasterij, Conventus, Domûs, ac Collegij Regularis, sub pœna privationis officij, vocisque activæ, & passivæ ipsò jure incurrendæ efficere teneantur, ut in perpetuum singulis annis mense Januariò, non solum prædicta Constitutio (quam in reliquis ejus partibus eadem Sanctitas omninò observare jubet, & quatenus opus sit, innovat, quemcunque prætensum non usum, aut prætensam consuetudinem damnando, & irritando] verùm etiam hoc Decretum in aliqua publica Congregatione, vel saltem in publica mensa perlegantur. Omnibus, tam Ecclesiasticis personis etiam Regularibus, quàm Laicis cujuscunque sint Ordinis, conditionis gradûs, ac dignitatis, etiam speciali notâ dignis, & qui sub Generali dispositione non comprehenderentur, prædictam Clementis Constitutionem contra præsentis.



sentis Decreti tenorem declarandi, vel interpretandi, facultate penitus interdictâ, super quibus Sanctissimus mandavit expediri Breve. Datum Romæ die 25. Septembris 1640. Quapropter, ut præmissa firmitus subsistant, & inviolabiliter observentur, quantum cum Domino possumus, providere volentes: Motu proprio, & ex certa scientia, ac matura deliberatione nostris dequè Apostolicæ potestatis plenitudine, declarationem præinsertam cum omnibus, & singulis in ea contentis tenore præsentium perpetuò confirmamus, & approbamus, illisque inviolabilis Apostolicæ firmitatis robur adiicimus, ac omnes, & singulos, tam iuris, quàm facti defectus, si qui super quomodolibet intervenerint, supplemus, aliaque inviolabiliter ab omnibus, ad quos spectat, & spectabit in futurum, observari, sicque & non aliter in præmissis per quoscunque Iudices ordinarios, & delegatos, etiam causarum Palatii Apostolici Auditores, ac Sanctæ R. E. Cardinales etiam de latere Legatos, & quosvis alios quacunque auctoritate fungentes sublata eis, & eorum cuilibet quâvis aliter judicandi, & interpretandi facultate, & auctoritate, judicari & definiri debet ac irritum, & inane, si secus super his à quoquam quâvis auctoritate scienter, vel ignoranter contigerit attentari, decernimus. Non obstantibus quoad ea, quæ declarationi prædictæ, & præsentibus sunt contraria, vel diversa, Constitutioni vel: rec: Clementis Papæ VIII. prædecessoris nostri prædicti, ac omnibus Capitulis, quæ idem Clemens in Constitutione hujusmodi voluit non obstat, cæterisque contrariis quibuscunq; Datum Romæ apud Sanctam MARIAM Majorem sub Anulo Piscatoris, die 26. Octobris, 1640. Pontificatus nostri Anno decimò octavo.

DECRE-

S. Con

Sub pa  
væ, i  
se, i

C  
ptis ne  
dies su  
volunta  
etorum  
hatur o  
rumque  
que hi  
aut que  
sperant  
reductu  
ptâ, ple  
lo emo





## D E C R E T A

S. Congregationis Concilij S.D.N. Urbani Divinâ Providentiâ Papæ VIII. auctoritate edita.

D E C E L E B R A T I O N E  
M I S S A R U M

*Sub pœna privationis officij, ac vocis activæ, & passivæ, ipsô factô incurrendis legenda sextô quoq; Mensæ, id est Feriâ 2. post primam Dominicam Adventûs, & Feriâ 6. post octavam Corporis*

## C H R I S T I.

**C**Um sæpe contingat, in quibusdam, Ecclesijs tam magnum Missarum celebrandarum numerum ex varijs defunctorum relictis, aut piorum eleemosynis impositum esse, ut illis pro singulis diebus præscriptis nequeat satisfieri; & tamen nova onera Missarum in dies suscipiantur indeq; fiat ut depereant piæ testantium voluntates, obstricta Benefactoribus fides violetur, Defunctorum animæ suffragiis priventur, Ecclesijs debitus subtrahatur cultus, ac Christi fideles gravi scandalô affecti, plerumque à similibus charitatis operibus retrahantur: cumque his malis maximum inter cætera fomentum præbeat, aut quod ij, qui Missas supra vires celebrandas suscipiunt, sperent illas brevi ad pauciores numerum à Superioribus reductum iri; aut quòd Ecclesijs, sorte pecuniarum absumptâ, plerumque nuda remaneant onera Missarum absque ullo emolumento, aut quòd eleemosyna pro illis celebran-



dis sit adeò tenuis, ut non facile inveniantur, qui velint huic se muneri subijcere, & redditus Ecclesiæ aut Monasterij adeò exigui, ut Sacerdotes pro necessaria sua sustentatione nimis se oneribus obstringere compellantur: SACRA CONGREGATIO CARDINAL CONCILII TRIDENTINI INTERPRETUM animadvertens, facturam se rem DEO gratissimam, charitatisque, ac justitiæ maximè consentaneam, si pro viribus satagat, hunc teterrimum abusum è Christiana Republica convellere, atque eradicare, Sanctissimi D. N. Urbani Divinâ Providentiâ Papæ VIII. autoritate sibi specialiter attributa, infra scripta Decreta edidit.

Ac primò directè prohibet, atque interdicat, ne Episcopi in Diocesana Synodo, aut Generales in Capitulis Generalibus, vel alias quòquomodò reducant onera ulla Missarum celebrandarum aut post idem Concilium imposita aut in limine foundationis; sed pro his omnibus reducendis aut moderandis, vel commutandis ad Apostolicam Sedem recurratur, quæ, re diligenter perspectâ; id statuet, quod magis in Domino expedire arbitrabitur, alioquin reductiones, moderationes, & commutationes hujusmodi, si quæ contra hujus prohibitionis formam fieri contigerit, omninò nullas, atque inanes decernit.

Deinde, ubi pro pluribus Missis, etiam ejusdem qualitatis celebrandis plura stipendia, quantumcunque incongrua, & exigua, sive ab una, sive à pluribus personis collata fuerunt, aut conferentur in futurum Sacerdotibus Ecclesijs, Capitulis, Collegijs Hospitalibus, Societatibus, Monasterijs, Conventibus, Congregationibus, Domibus, aut locis pijs quibuscunque tam Spiritualibus, quàm Regularibus, Sacra Congregatio sub obtestatione Divini Judicii mandat, ac præcipit, ut absolutè tot Missæ celebrentur, quot ad rationem attributæ eleemosynæ præscriptæ fuerint; ita

ut

ut alio  
faciant  
neantu

Id  
eâdem  
busvis  
quàm  
Institut  
getur,  
bration  
Missaru

A  
mover  
celebra  
teri, p  
comm

P  
in per  
adimpl  
onera  
junctas  
lia Eco

Conve  
Regula  
acquir  
ac ijs,  
clesiæ  
tim de  
fide, &  
pretiu  
fructif  
illis a

ut alioquin ij, ad quos pertinet, suæ obligationi non satisfaciant, quinimo graviter peccent, & ad restitutionem teneantur.

Id verò. ut deinceps observetur exactius, Sac: Congreg: eâdem authoritate revocat privilegia, & indulta omnia quibusvis personis, Ecclesijs, ac locis pijs, tam Sæcularibus, quàm Regularibus cujuscunque Ordinis Congregationis, & Instituti, quamcunque ob causam concessa, quibus indulgetur, ut certarum Missarum, vel Anniversariorum celebratione, aut aliquibus collectis, seu orationibus, plurium Missarum oneribus in futurum suscipiendis satisfiat.

Ac similiter omne damnabile lucrum ab Ecclesia removere volens, prohibet Sacerdoti, qui Missam suscepit celebrandam cum certa eleemosyna, ne eandem Missam alteri, parte ejusdem eleemosynæ sibi retentâ, celebrandam commitat.

Præterea ne in Ecclesijs, in quibus onera Missarum in perpetuum imposita sunt, Sacerdotes in eis, ut par est, adimplendis eò tepidiores, ac legniores reddantur, quòd onera hujusmodi cum nulla, aut parva sint utilitate conjuncta: statuit, atque decernit, ut pecuniæ, ac bona mobilia Ecclesijs, Capitulis, Collegijs, Hospitalibus, Monasterijs, Conventibus, ac locis omnibus, tam Sæcularibus, quàm Regularibus, atque illorum personis in futurum simpliciter acquirenda cum onere perpetuo Missarum celebrandarum, ac ijs, ad quos pertinet, sub pæna interdicti ab ingressu Ecclesiæ ipsò factò incurrenda à die realis acquisitionis, statim deponi debeant penes ædem Sacram, vel personam, fide. & facultatibus idoneam, ad effectum illa, seu illorum pretium quamprimùm investigandi in bonis immobilibus fructiferis, cum expressa, & individua mentione: oneris quod illis annexum reperitur ac, si eadem bona immobilia aucto-



ritate Apostolicâ deinceps alienari contigerit, eorundem pretium sub eadem pœna, ut supra, deponi, atque in alijs bonis stabilibus itidem fructiferis, cum ejusdem oneris repetitione, atque annexione converti debeat.

Ad hæc Sacra Congregatio quibusvis Capitulis, Collegijs, Societatibus, & Congregationibus, nec non omnibus & singulis Ecclesiarum, ac piorum locorum, tam Sæcularium, quàm Regularium Superioribus, vel alijs ad quos pertinet, districtè prohibet, ne in posterum onera perpetua suscipiant Missarum celebrandarum: Sæculares quidem sine Episcopi, vel Ejus Generalis Vicarij, Regulares verò sine Generalis, vel Provincialis consensu, & licentia in scriptis, & gratis concedenda: alioquin Sæcularis, qui hujus prohibitionis transgressor extiterit, ab ingressu Ecclesiæ interdictus sit eo ipso; Regularis verò pœnam privationis omnium officiorum, quæ tunc obtinebit, ac perpetuæ inhabilitatis ad alia obtinenda vocisque activæ & passivæ absque aliâ declaratione incurrat. Eleemosynas verò manuales, & quotidianas pro missis celebrandis, ita demum iisdem accipere possint, si oneribus antea impositis ita satisfecerint, ut nova quoque onera suscipere valeant: alioquin omninò abstineant ab hujusmodi eleemosynis, etiam sponte oblatis in futurum recipiendis & capsulas auferant ab Ecclesijs cum inscriptione illa: Eleemosyna pro Missis, vel alia simili, sub iisdem pœnis ipsò factò incurrendis, ne si tales hæc ratione frustrentur. Episcopus verò, seu ejus Vicarius, aut Generalis, vel Provincialis, ubi de licentia pro perpetuis oneribus fuerint requisiti, in singulis, casibus diligenter inquirent de singulis Missarum celebrandarum obligationibus cuique Ecclesiæ, Monasterio, aut loco pro incumbendis: nec antea assentum hujusmodi aut licentiam præbeant, quàm eis legitimè constiterit, illius Sacerdotes tam novo oneri  
suscipi.

suscipie  
præcipi  
& loci  
adjunct  
vinciæ:  
neglige  
muneri

Por  
animi  
rem di  
tatem f  
velut e  
mero,  
sterij:  
Concil  
ritate p  
libus, l  
Abbat  
quibus  
tuum,  
tium, v  
gationi  
larum  
bet Pr  
Ordini  
peritio  
omnes  
comm  
ejusde  
ligiosis  
ceps, c  
um h

suscipiendo, quàm antiquis iam susceptis satisfacere posse: præcipuamque rationem habeant, ut redditus, qui Ecclesijs, & locis pijs relinquuntur, omninò respondeant oneribus adjunctis, secundùm morem cujusque Civitatis, vel Provinciæ: intelligantque si in re tanti momenti desides, aut negligentes fuerint, in novissimo die se hujus prætermissi muneris rationem esse reddituros

Postremò ILLUSTRISSIMI PATRES, non sine gravi animi dolore intelligentes, mala ferè omnia, quæ Regularem disciplinam evertunt, ac præcipuè nimiam hanc facilitatem fovent in oneribus Missarum supra vires suscipiendis, velut ex infecta radice, pullulare ex majori Regularium numero, quàm ferant redditus, & Eleemosynæ cujusque Monasterij: inhærentes summorum Pontificum, ac Sac: Triden: Concil: Decretis hac de re editis, Sanctiss: D. N. auctoritate præcipiunt, ac mandant omnibus & singulis Generalibus, Provincialibus, Commissarijs, Ministris, Præsidentibus, Abbatibus, Prioribus, Præpositis, Gvardianis, Vicarijs, & quibuscunque alijs Superioribus Monasteriorum, Conventuum, ac Domorum Regularium bona immobilia possidentium, vel non possidentium, cujuscunque Ordinis Congregationis, & Instituti existentium intra fines Italiæ, & Insularum adiacentium, ut singuli, ad quos pertinet, in qualibet Provincia, adhibitis duobus, aut tribus Regularibus sui Ordinis, vel Congregationis probatoribus, & rerum usu peritioribus, bona immobilia, census, redditus & proventus omnes, consuetas item Eleemosynas, & obventiones, tam communes Monasteriorum, Conventuum, & Domorum ejusdem Provinciæ, quàm etiam singularibus personis Religiosis assignatas seu permissas, in communem usum demceps, conferendas, decem annorum immediatè præcedentium habitâ ratione, diligenter, & maturè recognoscant, ijs



omnibûs detractis, quæ reparationes, præstationes, grandines, sterilitates, alijsve cujuslibet generis onera consueverunt absorbere; eaque omnia scripto fideliter exarata, idem Superior, cujus interest, in proximo Capitulo, seu Congregatione Generali, vel Provinciali coram tribus Judicibus ab ipsomet Capitulo, seu Congregatione deligendis proponat, qui computatis hujusmodi redditibûs, Eleemosynis, & obventionibûs universis, & oneribûs, ut supra detractis, sedulo examinent, quod Religiosi homines, connumeratis etiam Laicis, alijsquæ necessariis servientibûs, in unoquoque Monasterio, Conventu, & Domo Regulari, juxta Religionis, & proprii instituti morem, victum, & vestitum, & medicinalia in communi habentes, competenter valeant sustentari. Tum eorundem bonorum, reddituum, Eleemosynarum, & onerum præcisam notam ipsimet Capitulo, seu Congregationi exhibeant: ut in illo diligenter omnibûs discussis cujusque Familiæ Monasterij, Conventus, ac Domus Regularis. in singula quaque Provincia certus earum tantum personarum numerus, Patrum Capitularium voto præfigatur, quæ redditibûs, Eleemosynis, & obventionibûs, ut Superius, sufficienter ali possint. Ne verò Superiores, qui id præstare debent, serius aut remissiùs, quàm par est, suo muneri satisfaciant, mandat Sac: Congregatio, ut intra annum, post proximum Capitulum Generale, vel Provinciale computandum, omnia hoc de genere particulariter gesta, in authenticam formam redacta ad Sacram ipsam Congregationem Concilij, singuli mittant: Numerumque familiæ, singulorumque Conventuum, Monasteriorum, & Domorum hujusmodi Regularium, Capituli, seu Congregationis Generalis, vel Provincialis sententiâ, & autoritate præfinitum, iidem Superiores, tam Generales & Provinciales omnes, quàm locales perpetuò servare omninò teneantur,  
nec

nec poss  
gmenti  
tia. Su  
præfixo  
præscrip  
nis om  
vocisqu  
cia, & g  
rere, at  
gendis  
ravit.

De  
gregatio  
libi, rec  
ejusmod  
Religio  
detracti  
sustentari  
XV. ha  
modi p  
ut supr  
non inh  
que on  
Po  
seu del  
nasterij  
ficere t  
væ & p  
tò quo  
minica  
Christi  
tur. C

nec possint illum quôquômodô augere, etiam prætextu augmenti reddituum absque Sacræ ipsius Congregationis licentia. Superiores autem hujusmodi, qui prædicta omnia in præfixo termino non præstiterint, vel numerum ut supra præscriptum quôvis modo augere præsumperint, privationis omnium officiorum, quæ tunc temporis obtinebunt, vocisque activæ, & passivæ, & ad omnia suæ Religionis officia, & gradus inhabilitatis perpetuam pœnam eo ipso incurere, atque alijs etiam gravioribus à Sede Apostolica infligendis pœnis Sac: Congregatio subiacere voluit, & declaravit.

Deinceps verò Monasterium, Conventûs, Domûs, Congregatio, vel Societas Religiosorum, seu Regularium nullibi, recipiatur, nisi præter alia ad id requisita, in singulis ejusmodi locis, duodecim saltem Fratres, aut Monachi, seu Religiosi degere & ex redditibus, & consuetis Eleemosynis, detractis omnibûs, ut supra, detrahendîs, competenter sustentari valeant, ad præscriptum Decreti fel: record: Greg: XV. hac de re editi. Alioquin Monasteria, & loca hujusmodi posthac recipienda, in quibus duodecim Religiosi, ut supra, sustentari, atque inhabitare non poterunt, & actu non inhabitaverint, Ordinarij loci visitationi, correctioni atque omnimodæ jurisdictioni subjecta esse intelligantur.

Porro, ne ullo unquam tempore hæc in oblivionem, seu desuetudinem abeant, Superiores locales cujusque Monasterij, Conventûs ac Domûs Regularis, curare, atque efficere teneantur sub pœna privationis officij, vocisque activæ & passivæ ipsô factô incurrenda, ut in perpetuum, sextô quoque mense, id est Feriâ secundâ post primam Dominicam Adventûs, & Feriâ sextâ post Octavam Corporis Christi, præsentibus ordinationes in publica mensa perlegantur. Omnibus tam Ecclesiasticis personis, cujuscunque sint

Ordinis

nec



Ordinis, conditionis, & gradûs, quàm Laicis quocunque honore, ac potestate præditis, præsentia Decreta declarandi, vel interpretandi facultate penitus interdictâ.

Non obstantibus, quoad superscripta omnia, & singula in præsentibus Decretis contenta, Constitutionibus, & Ordinationibus Apostolicis in favorem quarumcunque personarum, atque Ordinum, tam Mendicantium, quàm non Mendicantium, Militiarum, etiam S. Joan: Hierosolymitani, Congregationum, Societatum, ac cujuslibet alterius Instituti, etiam necessariò, & individuo exprimendi, Ecclesiarum, Monasteriorum, Conventuum, Collegiorum, Capitulorum, Hospitalium, Confraternitatum, & aliorum quorumcunque, tam Sæcularium, quàm Regularium locorum, nec non illorum, etiam juramentò, confirmatione Apostolicâ, vel quavis firmitate aliâ roboratis, statutis, & consuetudinibus, etiam immemorabilibus, privilegijs quoque indultis, & literis Apostolicis, etiam Mari magnò, seu Bullâ aureâ, aut aliàs nuncupatis, sub quibuscunque tenoribus, & formis, ac cum quibuscunque derogatoriis derogatorijs, alijsque efficacioribus, & insolitis clausulis, nec non irritantibus Decretis, etiam motu proprio, & ex certa scientia, ac de Apostolicæ potestatis plenitudine, aut aliàs quomodolibet etiam per viam communicationis, seu extensionis concessis, & iteratis vicibus approbatis, & innovatis, etiam si pro illorum sufficienti derogatione de illis, eorumque totis tenoribus, & formis specialis, & individua, ac de verbo ad verbum, non autem per clausuras Generales, mentio, seu quævis alia expressio habenda, aut aliqua alia exquisita forma servanda esset tenores hujusmodi, ac si de verbo ad verbum, nihil penitus omisso, & forma in illis tradita observata, inserti forent, præsentibus pro expressis habens, quibus, quoad ea quæ præsentibus adversantur, illis aliàs in suo robore perman-

perma  
te, &  
quibu

E  
possit,  
nation  
& Pri  
ræ, ut  
etent  
sent.  
pressis  
person  
dem p

D

Aliq

SUp  
bra  
cel  
vel al  
lebran  
mine

permanens, Sacra Congregatio, Sanctitatis suæ authoritate, & specialiter, & expresse derogat, cæterisque contrariis quibuscunque.

Et ne præmissorum ignorantia à quoquam prætendi possit, voluit eadem Sacra Congregatio ut præsentibus Ordinationes in valvis Basilicarum Sancti Joannis Lateranensis, & Principis Apostolorum de Urbe, ac in acie Campi Floræ, ut moris est, affixæ, omnes ad quos pertinent, ita arctent & afficiant, ac si unicuique personaliter intimatæ fuissent. Utque earundem præsentium transumptis, etiam impressis manu alicujus Notarii publici subscriptis, & sigillo personæ in dignitate Ecclesiastica Constitutæ munitis, eadem prorsus fides adhibeatur. si forent exhibitæ, vel ostensæ. Datum Romæ Die 12. Januarij 1625.

## DECLARATIONES

*Aliquot Sac: Concilij S. D. N. Urbani Papæ VIII.  
auctoritate editæ super Decretis ejusdem  
Congregationis.*

### DE CELEBRATIONE MISSARUM.

**S**uper primo Sacræ Congregationis Decrêto, de Celebratione Missarum, quò prohibetur, ne Episcopi in Diocesana Synodo, aut Generales in Capitulis Generalibus, vel aliàs quomodolibet, reducant onera ulla Missarum celebrandarum, aut post idem Concilium imposita, aut in limine foundationis.

D

Quæri-



Quæritur, quid si legatum sit ita tenue, ut non sit, qui velit onus illi injunctum subire, & si recurrendum sit ad Sedem Apostolicam pro moderatione oneris, totum, aut fere totum infumendum sit pro expensis ad id necessarijs.

Et quid, si permittatur Episcopo in fundatione, ut possit hujusmodi onera moderari?

Secundò, super secundo ejusdem Congregationis Decreto, quò cavetur, ut celebrentur tot Missæ, quot ad rationem tributæ eleemosynæ præscriptæ fuerint.

Quæritur, an verba illa ( præscriptæ fuerint ) intelligenda sint de præscriptione facta ab offerente, vel ab Ordinario?

Tertiò, an cùm Ordinarius præscripserit eleemosynam congruam juxta qualitatem loci personarum, ac temporum, Sacerdotes accipientes stipendium minus congruum, teneantur Missas illas ab offerente præscriptas celebrare?

Quartò, an Sacerdotes, qui tenentur Missas celebrare ratione Beneficij, seu Capellæ, legati, aut salarij, possint etiam manualementem eleemosynam, pro Missis votivis, aut Defunctorum, recipere, & unicò Missæ sacrificiò utrique oneri satisfacere?

Quintò, positò, quòd Testator relinquat, ut celebrentur pro ejus anima centum Missæ, absque ulla præscriptione eleemosynæ. Quæritur, an liberum sit hæredibus eleemosynam sibi bene visam determinare, vel an præscripenda sit ab Ordinario?

Sextò, super tertio Congregationis Decreto, in quo eadem Congregatio revocat privilegia, quibûs indulgetur, ut certarum Missarum, vel anniversariorum celebratione, aut aliquibûs collectis, seu orationibûs, plurium Missarum oneribus in futurum suscipiendis satisfaciat?

Quæri-

Quæritur, an verba (in futurum suscipiendis) intelligenda sint de oneribus suscipiendis post privilegium?

Septimò, super quarto ejusdem Congregationis Decreto, quò prohibetur Sacerdoti qui Missam suscepit celebrandam cum certa eleemosyna, ne eandem Missam alteri, parte ejusdem eleemosynæ sibi retentâ, celebrandam committat.

Quæritur, an permittendum sit administratoribus Ecclesiarum, ut retineant aliquam eleemosynarum portionem pro expensis manutentionis, Ecclesiæ, Altarium inservientium paramentorum, luminum, vini, hostiæ, & similium?

Octavò, an hoc Decretum habeat locum in beneficijs, quæ conferuntur in titulum, id est, an Rector Beneficij, qui potest per alium celebrare, teneatur Sacerdoti celebranti dare stipendium ad rationem reddituum Beneficij?

Nonò, an Sacerdotes, quibus aliquando offertur eleemosyna major solitâ pro celebratione Missæ, debeant dare eandem integram eleemosynam ijs, quibus Missas celebrandas committunt. An verò satis sit, ut dent, celebrantibus eleemosynam consuetam?

Decimò, super quinto ejusdem Congregationis Decreto, quò inter cætera statuitur in hæc verba: Eleemosynas verò manuales, & quotidianas pro Missis celebrandis, ita demum iisdem accipere possint, si oneribus antea impositis ita satisfecerint, ut nova quoque onera obire valeant; Alioquin omninò abstineant ab hujusmodi eleemosynis, etiam sponte oblati in futurum recipiendis, & capsulas auferant &c.

Quæritur an hoc Decretum prohibeat absolutè, quò minus accipiant novas eleemosynas ij, qui acceptis non satisfecerunt: & quid si congruò tempore possint omnibus satisfacere?



Undecimò, quid, si offerens eleemosynas, auditò impedimentò consentiat, ut Sacerdos Missam celebret cùm primum poterit?

Duodecimò, an pœna interdicti & aliæ appositæ in eodem Decreto, afficiant tam eos, qui accipiunt eleemosynas contra formam ibi præscriptam, quàm eos, qui non auferunt capsulas ab Ecclesijs ut ibidem præcipitur?

Decimòtertio, an in hoc Decreto comprehendantur illæ capsulæ, quæ apponi solent in Ecclesijs in die Commemorationis Omnium Sanctorum, & vulgò dicuntur (*casse de Morti.*)

Decimòquarto, an Administratores Ecclesiæ magnæ devotionis, & concursûs, possint eleemosynas pro Missis celebrandis accipere, si iisdem Missis nonnisi post longum, tempus satisfacere valeant, ne aliàs cultus Ecclesiæ, & devotio, ac concursus fidelium (ut ajunt) minuantur?

Decimòquinto, quia prohibitio dicti Decreti videtur aliquibus directâ solis Capitulis, Collegijs, Societatibus, Congregationibus, nec non omnibus, & singulis Ecclesiarum, & piorum locorum, tam Sæcularium, quàm Regularium Superioribus, de quibus fit expressa mentio, non autem privatis Sacerdotibus, qui tamen comprehendi videntur sub clausula Generali (& alijs, ad quos pertinet) supplicatur pro opportuna declaratione?

Decimòsexto, super septimo ejusdem Sacræ Congregationis Decreto, quò cavetur, ut in singulis Monasterijs Religiosorum præfigatur numerus, qui ex consuetis redditibus, aut eleemosynis commodè possit sustentari?

Quæritur, an ubi hæc præfixio facta jam fuit in vim similis Decreti Pauli V. absque tamen computatione reddituum cujusque Religiosi, sit denuò facienda, nec ne?

Decimo-

De  
admissi  
quibus  
non po

De  
recipian  
requisit  
petente  
ctioni C

Qu  
ordine  
quæ no  
Religion  
Ul  
recipian  
taxat ac  
an verò

Sacra  
terp  
tâ, a  
respond  
Ad

pro red  
pertinet  
ulla imp  
dicaveri  
pressè c  
reducer  
creta ha  
servanda

Decimòseptimò, an Novitij ad habitum Regularem admissi, possint admitti ad Professionem in Monasterijs, in quibus habita ut supra, præfixione numeri, commodè ali non possunt?

Decimòoctavò, super ultimo, quò cavetur, ut nullibi recipiantur Conventus Regularium, nisi præter alia ad id requisita, duodecim saltem Fratres in eis degere, & competenter sustentari valeant, ita ut alioquin subsint jurisdictioni Ordinarij?

Quæritur, an hoc Decretum, quod videtur editum in ordine ad celebrat: Missarum, comprehendat eas Religiones, quæ non consueverunt onera Missarum recipere, ut sunt Religiones Capuccinorum, ac Societatis JESU?

Ultimò an idem Decretum, ubi disponit, ut nullibi recipiantur Monasteria, nisi &c. habeat locum in Italia duntaxat ad quam est restrictum Decretum proximè antecedens an verò etiam extra Italiam?

**S**Acra Congregatio Cardinalium Concilij Tridentini Interpretum, autoritate sibi à Sanctissimo D. N. attributâ, ad singula dubia Superiùs proposita ad hunc modum respondit, videlicet:

Ad primum, etsi legatum sit adeò tenue, nihilominùs, pro reductione oneris, ut supra, impositi ab ijs, ad quos pertinet, Sedem Apostolicam esse adeundam, quæ absque ulla impensa id statuet, quod magis in Domino e re esse judicaverit; verùntamen si in ipsâ Beneficii erectione expressè cautum fuerit, ut liceat Episcopo injunctum onus reducere, ac moderari, legem hanc foundationis, quam Decreta hac de re edita non sustulerunt, esse validam, & observandam.

D;

Ad



Ad secundum, esse intelligenda de præscriptione facta ab eo, qui eleemosynam tribuit, non autem ab Ordinario. Quod si tribuens eleemosynam numerum Missarum celebrandarum non præscripserit, tunc tot Missas celebrari debere, quod præscripserit Ordinarius secundum morem suæ Civitatis, vel Provinciæ?

Ad tertium teneri?

Ad quartum, Sacerdotes, quibus diebus tenentur Missas celebrare ratione Beneficij, seu capellæ, legati, aut salarii, si eleemosynas susceperint, non posse eadem Missâ utrique obligationi satisfacere?

Ad quintum, censuit, ubi nullam certam eleemosynam testator relinquit, esse ab Episcopo præscribendam eleemosynam congruam, quæ respondeat oneribus Missarum celebrandarum secundum morem Civitatis, vel Provinciæ?

Ad sextum, ita esse intelligenda.

Ad septimum respondit, permittendum non esse, ut Ecclesiæ, ac loca pia seu illorum Administratores, ex eleemosynis Missarum celebrandarum ullam, utcumque minimam portionem retineant ratione expensarum, quas subeunt in Missarum celebratione, nisi cum Ecclesiæ, & loca ipsa alios non habent redditus, quos in usum earundem expensarum, erogare licitè possint, & tunc, quam portionem retinebunt, nullatenus debere excedere valorem expensarum, quæ pro ipsomet tantum Missæ sacrificiò necessariò sunt subeundæ, & nihilominus eò etiam casu curandum esse, ut ex pecunijs, quæ supersunt, expensis, ut supra deductis, absolute tot Missæ celebrentur, quot præscriptæ fuerint ab offerentibus eleemosynas.

Ad octavum, non habere locum, sed satis esse ut Rector Beneficij, qui potest Missam per alium celebrare, tribuat Sacerdoti celebranti eleemosynam congruam, secundum

dum mo  
ipfius B

Ad  
tribuere  
retinere

Ad  
propter  
tamen n  
dummo  
facere.

Ad  
dicum t  
mosynar  
consent  
oneribu  
minùs e  
ta Bene

Ad  
fi in su  
rum fir  
General

Ad  
Ad  
rum, qu  
duodec

Ad  
cerdote  
Ad  
rum fac  
editi.

Ad  
nem si

dum morem Civitatis, vel Provinciæ, nisi in fundatione ipsius Beneficij aliud cautum fuerit.

Ad decimum, debere absolute integram eleemosynam tribuere Sacerdoti celebranti, nec ullam illius partem sibi retinere posse?

Ad undecimum, respondit, non prohibere absolute: Ac propterea, etsi oneribus jam susceptis non satisfecerint, posse tamen nova etiam onera suscipere Missarum celebrandarum dummodò intra modicum tempus possint omnibus satisfacere.

Ad duodecimum, quamvis onera suscepta infra modicum tempus adimpleri nequeant, si tamen tribuens eleemosynam pro aliarum Missarum celebratione, id sciat, & consentiat, ut illæ tunc demum celebrentur, cum susceptis oneribus satisfactum fuerit, Decretum non prohibere, quominus eò casu eleemosyna accipiat pro iisdem Missis juxta Benefactoris consensum celebrandis.

Ad decimumtertium, has pænas non habere locum, nisi in suscipientibus onera perpetua Missarum celebrandarum sine licentia Episcopi, vel ejus Generalis Vicarij, aut Generalis, vel Provincialis.

Ad decimumquartum, comprehendit.

Ad decimumquintum, non posse; nisi de consensu eorum, qui eleemosynas tribuunt, ut supra in responsione ad duodecimum.

Ad decimum sextum, comprehendit etiam privatos Sacerdotes?

Ad decimum septimum, numeri præfixionem esse iterum faciendam, servatâ formâ ultimi Decreti hac de re editi.

Ad decimumoctavum, esse admittendos ad Professionem si alias habiles existant, ac deinde in aliquo alio Monasterio;



nasterio ejusdem Religionis esse collocandos, ubi commodè ali possint.

Ad decimumnonum, censuit comprehendere.

Ad ultimum, habere locum etiam extra Italiam.

## DECRETUM

*S. D. N. PAPÆ URBANI VIII. Feriâ V. die 14.  
April: 1633 editum, de Observantia Constitutionum Apostolicarum, ac Decretorum pertinentium ad S. Officium, sub pœna privationis Officij, & vocis activæ ac passivæ ipsô factô, alijsq; pœnis arbitriô suæ Sanctitatis, legendum Feriâ 6. post octavam Assumptionis B. V. Mariæ.*

**S**ANCTISSIMUS Dominus noster sedulò incumbens, ut ea, quæ salubriter Apostolicis Decretis, & Constitutionibus statuta, & ordinata sunt, præsertim quæ ad Sanctum Officium Inquisitionis contra hæreticam pravitatem pertinent, inviolabiliter observentur, & commodam sortiantur executionem, districtè mandat, & præcipit, ut omnes Superiores cujusvis Ordinis, Congregationis, Societatis etiam de necessitate exprimendæ Regularis, sive cujusvis alterius instituti, etiam quantumvis exempti, & privilegiati, teneantur sub pœna privationis Officij, ac vocis activæ & passivæ

sivæ i  
inflig  
riâ sex  
ginis i  
convo  
ciali C  
nuncu  
sos co  
cution  
cretor  
pravita  
JU  
pedien  
cio aut  
plices,  
Laicos  
stitut:  
berante  
nistris  
in sua  
nuntiat  
que pr  
expugn  
portant  
ritates,  
aliave i  
posita,  
gentes  
extrahe  
dum, c  
cultater  
complic

S. D. N. Papæ Urbani VIII.

29

sivæ ipsò factò incurrenda, alijsque arbitriò Sanctitatis suæ infligendis in perpetuum semel saltem in anno, id est, Feriâ sextâ post Octavam Assumptionis Beatæ Mariæ Virginis in publica mensa, vel in Capitulo ad hoc specialiter convocato, & insuper in quocumque Generali, ac Provinciali Capitulo, Conventu, Dieta, vel aliò quovis nomine nuncupato Capitulari congressu, suos subditos, ac Religiosos commonere de injuncta omnibus observantia, & executione earundem Apostolicarum Constitutionum, & Decretorum ad S. Officium Inquisitionis adversus hæreticam pravitatem pertinentium ac præsertim.

JULII III. Constit: incipit, *Licet à diversis*, contra impediētes Inquisitores hæreticæ pravitatis in eorum Officio aut in causis Inquisitionis se ingerentes, eorumque complices, & fautores; & contra ipsos Inquisitores admittentes Laicos ad criminis hæresis cognitionem. Et Pij V. Constit: 82. incipit: *Si de protegendis*, contra occidentes, verberantes, delinquentes, aut perterrefacientes quemvis ex Ministris S. Officij Inquisitionis, vel Episcoporum id munus in sua Diœcesi, vel Provincia, obeuntium accusatorem, denuntiātorem aut testem, in causa seu fidei quomodocumque productum, vel evocatum: nec non contra ~~dis~~ipientes, expugnantes, invadentes, incendentes, expilantes, aliòve exportantes alicujus prædictorum bona, libros, literas, auctoritates, exemplaria, regesta, protocolla, exempla, scripturas, aliave instrumenta, sive publica, sive privata, ubicumque posita, eorumque complices, & fautores: & contra effringentes carcerem, vel Custodiam publicam, vel privatam, extrahentes, vel emittentes vinctum, prohibentes capiendum, captumve eripientes, recipientes, occultantes, seu facultatem effugiendi dantes seu id fieri jubentes, eorumque complices, & fautores etiam effectu non secutò, nullatenus

E

excu-



excusandos, nisi claras tantummodò probationes contrarium adducentes; & contra intercedentes pro præfatis delinquentibus; inflictis contra quemlibet prædictorum pœnis, quæ damnatis, ex primo capite legis Iuliz Maiestatis, eorumque filiis irrogantur: & oblatâ revelantibus impunitate.

PII IV. Constitut: 23. incipit, *Cum sicut nuper*, contra Sacerdotes, qui pœnitentes mulieres in actu Sacramentalis confessionis ad inhonestos actus provocare, & allicere tentant, & sollicitant. Et Gregorii XV. Constitut: 4. incipit, *Universi Domini gregis*, ampliativæ circa hujus criminis probationes, & extensivæ contra Confessarios, qui personas (quæcumque illæ sint) ad inhonesta, sive inter se, sive cum alijs quomôdolibet perpetranda in actu Sacramentalis Confessionis, sive ante, sive post immediate, sive occasione, vel prætextu Confessionis, vel extra occasionem Confessionis in Confessionario, aut alio in loco ad audiendam Confessionem electo, sollicitare, vel provocare tentaverint, aut cum eis illicitos, & inhonestos sermones, sive tractatus habuerint. Et contra Confessarios, non monentes eos, quos sciunt ab alijs Confessarijs sollicitatos esse, ut Inquisitoribus, vel Ordinarijs sollicitantes denuntient, vel docentes eos ad ita denuntiandum non teneri.

Gregorii XIII. Constit: 22. incipit, *Officij nostri partes*, de jurisdictione Inquisitorum hæreticæ pravitatis in eos, qui ad ordinem Presbyteratus non promoti, Missas celebrant, & Sacramentaliter Confessiones audiunt. Clement: VII. Constit: 81. incipit, *Et si alias*, declaratorix pœnæ contra eos infligendæ per Judices Laicos, præviâ eorum degradatione. Et Sanctitatis suæ Constit: 79. incipit, *Apostolatus officium*, extensivè ad minores 25. annis, dummodo vigesimum ætatis annum compleverint.

Sixti  
tra ex  
que di  
vel ten  
scrutabi  
pœnis.

CI  
Italos,  
ber cu  
nusque  
28 inci  
Italiæ,  
rentur,

Pa  
catoria  
& Rel  
causas  
quomo

Ej  
Consti  
Beatæ  
pœnaru  
cæ præ  
Consti  
tivæ,  
RIAM

G  
specula  
cis ora  
væ ad  
incipit  
Decemb

*S. D. N. Papæ Urbani VIII.*

31

Sixti V. Constit: 17. incipit, *Celi & terre Creator*, contra exercentes artem Astrologiæ judicariæ, & alia quæcunque divinationum genera, librosve harum artium legentes, vel tenentes. Et Sanctitatis suæ Constitut: 113. incipit, *Inscrutabilis judiciorum DEI*, extensivè ad alia, & cum gravioris pænis.

Clementis VIII. Constit: 42. incipit, *Cùm sicut*, contra Italos, ne extra Italiam proficiscantur ad loca, in quibus liber cultus, sive usus Catholicæ Religionis non existat, minusque in eis locis habitent. Et Gregor: XV. Constitut: 28 incipit, *Romani Pontificis*, contra hæreticos, ne in locis Italiæ, & Insularum adjacentium quovis prætextu commorentur, & contra eorum fautores, & receptatores.

Pauli V. Constit: 26. incipit, *Romanus Pontifex*, revocatoriæ facultatum Superioribus quorumcunque Ordinum, & Religiosorum quòquomodo concessarum, cognoscendi causas suorum subditorum ad Officium S. Inquisitionis quomodolibet pertinentes.

Ejusdem Constit: 97. incipit, *Regis pacifici*, innovatoriæ Constitutionum à Sixto IV. & Pio V. de Conceptione Beatæ MARIE Virginis editarum: impositionis majorum pænarum in transgressores, à locorum Ordinarijs, & hæreticæ pravitate Inquisitionibus puniendos. Et Gregor: XV. Constit: 29. incipit, *Sandissimus Dominus noster auditis* ampliativæ, & declaratoriæ prohibitionis asserendi, Beatam MARIAM Virginem Conceptam esse in peccato originali.

Gregorij XV. Constit: 27. incipit, *Romanus Pontifex in specula*, revocatoriæ quarumcunque concessionum vivæ vocis oraculò factarum. Et Sanctitatis suæ Constit: extensivæ ad quoscunque quantumvis privilegiatos, & exemptos, incipit, *Alias feb. recor: Gregor: Papa XV. sub dat: Romæ 20, Decembr: 1621.*

E2

Ejusdem



Ejusdem Constit: 40. incipit, *Apostolatus officium*, & Sanctitatis suæ Constit: 114. incipit, *Eo modo*, revocatoriarum licentiarum quarumcumque, legendi, & habendi libros prohibitos.

Sanctitatis suæ Constitut: 37. incipit, *Sanctissimus Dominus noster sollicitè animadvertens* de imaginibus nondum à Sede Apostolicâ Canonizatorum, vel Beatificatorum cum radijs, splendoribus, aut laureolis non proponendis: tabellis, aut luminaribus ad eorum Sepulchra non apponendis, eorumve gestis, miraculis, revelationibus, Beneficiorum imperationibus, non publicandis, aut imprimendis.

Pariter Sanctitatis suæ Constit: 50. incipit, *Sanctissimus Dominus noster pro debito sui Pastoralis Officij*, de libris ubicunque compositis, de quacunque materia tractantibus, ab his, qui leguntur in statu Ecclesiastico, non transmittendis aliò ut immerantur, sine Vicarij, & Magistri Sacri Palatij in Urbe, vel extra eam, sine Ordinarij, & Inquisitoris, aut ab his Deputatorum licentia.

Et ejusdem Sanctitatis suæ Constit: sub dat: Romæ die 5. Novembris, 1631. incipit, *Cùm sicut accepimus*, quòd Constitutiones Apostolicæ in concernentibus Fidem Catholicam, & S. Inquisitionis Officium hætenus editæ, & impotterum etiam super quacunque alia re edendæ, omnes Regulares quomodolibet privilegiatos comprehendant, nisi in edendis illis specialiter excipiantur.

Et insuper iidem Superiores teneantur curare, & efficere, ut hujus Decreti exempla aliquo in loco apud eos publico affigantur, & affixa conserventur, ita, ut ab iisdem subditis Religiosis omnibus videri, ac legi commode queant. Deque hujusmodi commonitione publico docu-  
to statim certiore facere Congregationem Sanctissimæ Inquisitionis in Urbe. Et ita mandat & præcipit Sanctitas sua.

DECRE

Sacr

Sub p  
væ a  
pos

SAC  
Int  
tui  
crescer  
auditis  
pensâ,  
atque  
creta e  
A  
fructus  
nea D  
ritate  
Clemen  
rum r  
stantia  
bus O



## D E C R E T A

*Sacrae Congregationis Concilij S. D. N. URBANI  
VIII. jussu edita.*

D E R E G U L A R I B U S  
APOSTATIS, & EJECTIS.

*Sub pœna privationis omnium Officiorum, vocisq; activæ ac passivæ, ac perpetuæ inhabilitatis ad illa impoſterum obtinenda, bis in anno legenda, die à Superiore præſcribenda.*

**S**ACRA Congregatio Cardinalium Concilij Tridentini Interpretum, Regularium ejectorum, & fugitivorum ſtatui cunſulere, illorumque ſcandala ſubmovere, & ſucceſſentem numerum frangere operæ pretium exiſtimans, auditis Religionum Superioribus, reque diligentiffime perpensa, communicatō etiam conſiliō cum S. D. Urbano VIII. atque ex peculiari Sanctitatis ſuæ facultate, infraſcripta Decreta edidit.

Ac primò, ut infecta ſemina, è quibus pravi ejuſmodi fructus potiſſimum prodeunt, deinceps ne ſerantur in vinea Domini, cenſuit eſſe innovandas, & Sanctiſſimi authoritate innovat Conſtitutiones, & Decreta Generalia ſan: mem: Clementis VIII. ad Regularium reformationem, ac Novitiorum receptionem profeſſionem, atque institutionem ſpectantia, diſtinctèque præcipit Generalibus, atque alijs omnibus Ordinum Superioribus, ut illa exactè obſervent, atque,



ut observentur, efficiant, sub pœnis statutis in iisdem Constitutionibus. A quibus tamen excipiendum censuit, caput illud, quo decernitur, ne in Conventibus seu Monasterijs ad Novitios recipiendos hætenus designatis, & approbatis, seu imposterum designandis, & approbandis, Novitij ad habitum ullatenus recipi possint; nisi prius Congregatione Reformationis Apostolicæ, vel proprijs locorum Ordinarijs expressè, & nominatim approbati fuerint. A cujus quidem Decreti observatione Sacra Congregatio iustis de causis censuit Regulares esse absolvendos, prout autoritate Sanctissimi Domini nostri absolvit, atque eximit.

Deinde, ut apostatandi opportunitas Regularibus præripiatur, statuit, ut de cætero nullus permittatur ad arctiorem Religionem transire, nisi prius Superiori legitimè confiterit, eam Religionem paratam esse illum recipere, qui licentiam petit, tumque Regularis rectâ se transferat ad arctiorem. Quod, ut re ipsa adimpleatur, idem Superior omni studiò, ac diligentia invigilet.

Rursus statuit, ut fugitivi & Apostatæ, sive habitum Regularem deferant, sive non, possint, ac debeant ab Episcopo loci, ubi moram trahunt, in carceres conijci, ac Superioribus Regularibus consignari, secundum Regularia instituta puniendi, utque ipsi quoque Superiores teneantur eos perquirere, ad Religionem reducere atque efficere, ut apprehendantur; salvâ tamen in omnibus facultate Ordinarijs locorum attributâ Decretò Concilii cap. 3. sess. 6. Quod si Apostatæ hujusmodi circa montes infra quatuor, ultra montes verò intra octo menses à præsentis Decreti publicatione inchoandos, sua sponte ad suâ quisque Religionem redierint, cum pœnarum omnium ipsis propter Apostasiam infligendarum remissionem atque impunitatem assequantur. Ita tamen, ut debeant à Superiore absolutio-

nem

nem humiliter petere, & coram eō culpam fateri, atque emendationem polliceri; Superior verò è contra benignè illos teneatur excipere, ab hujusmodi pœnis absolvere, & paterna charitate complecti.

Ad hæc, ut impoſterum è Religionibus nullus legitimè proſſus eijci poſſit, niſi ſit verè incorrigibilis verè autem incorrigibilis minimè cenſeatur, niſi non ſolum concurrent ea omnia, quæ ad hoc ex juris cōmunis diſpoſitione requiruntur ſublatis hæc in parte Statutis, & Cōſtitutionibùs cujuſque Regionis, & Ordinis, etiam à Sede Apoſtolicâ approbatſ, & confirmatis: verùm etiam unius anni ſpatio in jeiunio, & pœnitentia probetur in carceribus, proindequè unaquæque Religio privatos habeat carceres in qualibet ſaltem Provincia. Elapſo autem annò ſi nihilominùs non reſipuerit, ſed animo indurato in ſua pervicacia perſeveraverit, ne contagione peſtifera plurimos perdat, tamquam pecus morbida, ac membrum putre eijci tandem poſſit, ſed ab ipſomet Generali tantùm, de conſilio, & aſſenſu ſex Patrum ex gravioribus Religionis eligendis in ſingulis Capitulis, vel Congregationibus Generalibus; tumque non niſi inſtructo, ſecundùm eorum ſylum, & Conſtitutiones, proceſſu, & plenè probatis cauſis expulſionis ad Sacrorum Canonum præſcriptum. Interea tamen uſque primum Generale Capitulum, ſeu Congregationem proximè celebrandam, ſi quempiam ex juſtis & neceſſarijs cauſis expellere oportebit, ejectione fieri poſſit à Generali cum conſilio, & aſſenſu ſex Patrum, ut ſupra, quos idemmet Generalis eligere debeat infra quatuor menſes, à præſentis Decreti publicatione: ſervatâ tamen in reliquis formâ ſuperiùs præſcripta. Sic verò ejectione, quamdiu non redierint ad Religionem, in habitu Clericali incedant, atque Ordinarij loci iuriſdictioni, & obedientiæ, ſubſint; proindeque Generalis illico expulſionis ſententiam eidem



dem Ordinario notificare teneatur. Cæterum Sacra Congregatio Religionum Superiores seriò admonet, ac per JESU Christi viscera obtestatur, ut, memores paternæ charitatis, & mansuetudinis, quam profitentur, nihil intentatum relinquant, ut lucrentur animas Fratrum suorum fere in profundum malorum delapsas, antequam gravissimum, atque extremum expulsionis remedium experiantur. Idque eò magis, quòd subditorum sanguinem, qui ex malo, negligentium & sui officij immemorum Prælatorum regimine, peribunt, Dominus noster JESUS Christus in supremo DEI judicio de eorundem Prælatorum manibus sit requisiturus.

Præterea statuit, ut iidem Superiores nemini ex Religiosis expulsis litteras testimoniales concedant, illos ad Sedem Apostolicam rejicientes, vel jubentes aliam ingredi Religionem.

Item ut ejecti extra Religionem degentes sint perpetuò suspensi ab exercitio Ordinum, sublata Ordinarijs locorum facultate dictam suspensionem relaxandi. aut moderandi.

Ac postremò esse innovandam, & suæ Beatitudinis auctoritate invocat Constitutionem fel: record: *Gregorij IX. relictam, in cap: fin de Regul:* ac propterea declarat, eam Constitutionem in ijs quoque vindicare sibi locum, servandumque esse, qui jussè diffinitivèque, ac juris ordine servatò expulsi fuerint, dummodò tamen in expulsis hujusmodi subsit spes evidens emendationis ex literis saltem testimonialibus Ordinarij, cujus conscientiam in his literis concedendis S. Congregatio seriò oneravit.

Ne qua verò difficultas in superscriptis Decretis, & Ordinationibus exequendis suboriatur, Sacra Congregatio, Sanctissimo Domino nostro annuente, atque approbante, universis Generalibus, Provincialibus, Commissarijs, Ministris, Præsi-

Præsidi  
Vicari  
Ordin  
um C  
que l  
dilige  
bus C  
rumcu  
existen  
cord:  
gulis  
ca me

S  
scripta  
præsum  
officio  
ac per  
naque  
servata  
storib  
interd  
cus, à  
stitutio  
rumcu  
tium,  
sterior  
rium q  
firmati  
statutis  
ptionib  
re juri  
mine f

Præfidentibus, Abbatis, Prioribus, Præpositis, Gvardianis, Vicarijs, & quibuscunque alijs Superioribus quorumcunq; Ordinum, vel Congregationum, Monasteriorum, Conventuum Collegiorum Domorum, ac locorum Regularium ubique locorum existentium injungit, seridque mandat, ut illa diligenter observent, atque observari procurent in omnibus Cænobijs, ac Monasterijs, Collegijs, ac Domibus, quorumcunque Monachorum, ac Regularium ubique locorum existentibus, efficiantque, ut tam Decreta supradicta fel: record: *Clementis VIII.* quàm præsentis Ordinationes in singulis ejusmodi locis his saltem in anno legantur in publica mensa.

Si quis verò ipsorum adversus eâ, quæ superius præscripta sunt, vel eorum aliquid, quôquômodô facere, vel moliri præsumperit, ipsô factô pœnam incurrat privationis omnium officiorum, quæ tunc obtinebit, vocisque activæ, & passivæ, ac perpetuæ inhabilitatis ad illa imposterum obtinenda, pœnaque hujusmodi sit Sanctitati suæ, ac Sedi Apostolicæ reservata, ijsdem Superioribus, etiam Generalibus, & Protectoribus illam moderandi, seu relaxandi potestate penitus interdictâ, & nihilominus sit irritum, & inane quidquid secus, à quocquam actum extiterit. Non obstantibus Constitutionibus, & ordinationibus Apostolicis in favorem quorumcunque personarum, atque Ordinum, tam Mendicantium, quàm non Mendicantium, Congregationum, Monasteriorum, Conventuum, Domorum, ac locorum Regularium quorumcunque, necnon illorum etiam juramentô confirmatione Apostolicâ, vel quâvis firmitate aliâ roboratis statutis, vel consuetudinibus, etiam immemorabilibus, exemptionibus quoque, indulgentiis, & privilegijs, etiam in corpore juris clausis aut ex causa, vel titulo oneroso, vel in limine foundationis concessis etiam Mari magno, seu Bulla aurea,



rea, aut aliàs nuncupatis, sub quibuscunque tenoribus, & formis, & cum quibuscunque etiam derogatoriis derogatorijs, alijsque efficacioribus, & insolitis clausulis, nec non irritantibus Decretis, etiam motu proprio, & ex certa scientia, ac de Apostolicæ potestatis plenitudine, ut aliàs quomodolibet, etiam per viam communicationis, seu extensio- nis concessis, & iteratis vicibus approbatis & innovatis, etiam si pro illorum sufficienti derogatione de illis, eorum- que totis tenoribus, & formis, specialis, & individua, ac de verbo ad verbum, non autem per clausulas Generales idem importantes mentio, seu quævis alia expressio habenda, aut aliqua alia exquisita forma servanda esset tenores hujusmo- di, ac si de verbo ad verbum, nihil penitus omissio, & for- mæ illis traditæ observatæ, inserti forent, præsentibus pro expressis habentes, quibus quo ad ea, quæ supradictis quo- modolibet adversantur, illis aliàs in suo robore permanentis, specialiter & expresse Sanctitatis suæ autoritate derogat, cæterisque contrarijs quibuscunque. Dat: Romæ die 21. Septembris 1624.

# - D E C R E T A

## C L E M E N T I S VIII.

### D E R E F O R M A T I O N E

#### R E G U L A R I U M.

*Sub pœna privationis omnium Officiorum, vocisq; acti-  
væ & passivæ, ac perpetuæ inhabilitatis ad illa impo-  
sterum obtinenda, bis in Anno legenda, diebus à Su-  
periore designandis.*

Nullus

**N**ullus omnino prætextu cuiuscunque privilegij vel Superioritatis, etiam Generalatûs, à servitio Chori censetur immuni, nisi pro tempore, quò quis in proprij Officij munere actu fuerit occupatus: Cum Lectoribus autem & Prædicatoribus, Superiores iis tantùm diebûs, quibûs eos legere aut prædicare contigerit, dispensare possint. Idem quoque præstare valeant cum ægrotis, & studiorum causa legitimè impeditis. In eos verò, qui negligentes, aut inobedientes fuerint, salutarî pænitiâ Superiores animadvertant, ad præscriptum Regulæ, & Constitutionum, alimenti etiam si opus fuerit subtractione.

Lectio Sacræ Scripturæ, vel casuum conscientie bis in hebdomada, præscriptis diebûs, in singulis Conventibus habeatur, ad quam Fratres omnes conveniant, eâque absolutâ, mutuâ collatione circa explicatam doctrinam sese utiliter exerceant.

Quò Tridentini Concilij Decreta de paupertatis voto custodiendo fidelius observentur, præcipitur, ut nullus ex Fratribus, etiam si Superior sit, bona immobilia, vel mobilia, aut pecuniam, proventus, census, eleemosynas, sive ex concionibus, sive ex lectionibus, aut pro Missis, tam in propria Ecclesia, quàm ubicunque celebrandis, aliòve ipsorum iustò labore & causâ, & quòcunque nomine acquisita, etiam si subsidia consanguineorum, aut piorum largitiones, legata, aut donationes fuerint, tanquam propria, aut etiam nomine Conventus possidere possit, sed ea omnia statim Superiori tradantur, & Conventui incorporentur, atque cum cæteris illius bonis, redditibus, pecunijs ac proventibus confundantur, quò communis inde victus, & vestitus omnibus suppeditari possit. Neque Superioribus, quicunque illi sint, ullò pactò liceat eisdem Fratribus, aut eorum, alicui, bona stabilia, etiam ad usumfructum, vel usum, admini-



strationem, aut commendam etiam depositi, aut custodiae nomine concedere. Eorum verò, quæ ad necessitatem concessa erunt, nullus quicquam possideat proprium, neque ut proprio utatur. Qui in præmissorum aliquo deliquerit, pœnas nedum à *Concio Tridenti*; præscriptas, sed aliàs quoque multò graviores, Superiorum arbitriò imponendas incurrat.

Nulla quorumcunque Superiorum dispensatio, nulla licentia, quantum ad bona immobilia, vel mobilia Fratres excusare possit, quo minus culpæ, & pœnæ ab eisdem Concilij Decretis impositæ, & ipsò factò incurrendæ obnoxij sint, etiamsi Superiores assererent huiusmodi dispensationes, aut licentias concedere posse, quibus in ea re fidem minimè adhiberi volumus.

Fratrum vestitus, & supellex cellarum ex communi pecunia comparetur, & omninò uniformis sit Fratrum, & quorumcunque Superiorum, statuique paupertatis, quam professi sunt, conveniat: ita ut nihil superflui admittatur; nihil etiam, quod sit necessarium, alicui denegetur.

Quæcunque Fratrum vestes, sive laneæ sive lineæ, omnisque alia supellex in aliquem commodum Conventûs locum deferantur, ibique ab uno, vel duobus Fratribus huic muneri deputatis diligenter custodiantur, ut inde Superioris arbitriò, prout unicuique opus fuerit, subministrari opportunè possint.

Omnes etiam Superiores, quicunque illi sint, eodem pane; eodem vino, eodemque obsonio, sive eadem (ut aiunt) pitantia, in communi mensa prima vel secunda, nisi infirmitatis causâ impediti fuerint, vescantur, neque singulare aliquid, quo privatim quisque in cibum utatur, ullò modò afferri possit, si quis in ea re peccaverit nihil eâ die alimentum percipiat, nisi panem, & aquam.

Super-

S  
præsta  
accep  
adnot  
cij sui  
tigerit  
quant  
secum  
num  
N  
bonor  
rum,  
ve ex  
eiusde  
rerum  
dorum  
nias,  
alius  
& Fra  
dante  
ctum,  
tor pr  
interd  
C  
mensil  
bûs F  
usu p  
sentib  
rit: de  
judicib  
tionis  
tur, cu

Superiores omnes, etiam Generalis, qui redditus, aut præstationes peculiares ratione officiorum habet, eorum accepta, & exacta in libro distincto fideliter, & diligenter adnotari curent, neque in alios usus, quàm ratione Officij sui necessarios, quicquam expendant. Cum verò contigerit ipsos in aliquo Conventu commorari, eam pecuniæ quantitatem in commune conferant, ex qua sibi & ijs, qui secum erunt, victus ad præscriptum Regulæ, & Constitutionum suppeditetur.

Nullus ex Superioribus locorum, administrationem bonorum, aut aliarum rerum, dispensationemque pecuniarum, & reddituum sui Conventus, per se ipsum habere, siue exercere possit; sed universum id onus tribus Fratribus ejusdem Conventus à Generali ita demandetur, ut unus rerum & bonorum, reddituumque colligendorum, ac exigendorum curam habeat; alter tanquam Depositarius, pecunias, ac cætera ab illo collecta, & exacta fideliter asservet: alius de pecunijs, & rebus à Depositario acceptis, Priori, & Fratribus, ac Conventui universo de necessarijs, mandante tamen ipso Priore, non secundum proprium affectum, sed juxta charitatis Regulam, veluti bonus Dispensator provideat, Officiorum hujusmodi confusione penitus interdicta.

Cæterum hi tres tam impensi quàm accepti singulis mensibus Superiori locali, adhibitjs etiam duobus vel tribus Fratribus ejusdem Conventus probatoribus, rerumque usu peritis, rationem reddent: Deinde ipsimet rursus, præsentibus Priore, & peritis prædictis, Generali, cum advenierit: denique ipse Generalis Capitulo saltem coram tribus judicibus; illorum omnium, universamque suæ administrationis tam publicæ, quàm privatæ rationem reddere teneatur, cujus etiam exemplum authenticum ex actis Capituli



describatur. ad hoc, ut ad omne mandatum nostrum, vel Sedis Apostolicæ Romam transmitti possit.

In quocunque Conventu, Fratrum is tantum deinceps constituatur, & imposterum retineatur numerus, qui ex redditibus illius proprijs, vel ex communibus consuetis, vel etiam singulorum elemosynis, alijsque quibuscunque obventibus in commune (ut præfertur conferendis) commodè possit sustentari; redditus verò & supradicta omnia in communi loco, ac tuto diligenter asserventur.

Superioribus autem, ne Concilij Tridentini, aut hæc nostra Decreta declarare, interpretari, aut relaxare ullò modo possint, omninò interdicimus, & prohibemus, decernentes irritum &c. Si quis autem contra præsumpserit attentare, is eò ipsò omni gradu, officioque privatus, & ad ea perpetuò inhabilis existat.

Nullus nisi actu legat, vel prædicet, aliquo sui gradus privilegio gaudeat.

Si alicui ex necessaria causa, Generalis judiciò probanda, socius ex eodem ordine, qui illi ministret concedendus erit, is nisi vigesimum quintum agat annum, & qui communi servitio sit deputatus, non concedatur, & si commodè fieri potest sit laicus conversus.

Ut omnis scandalorum, & vagationis occasio tollatur. Conventus clausura perpetuò, ac diligenter servetur; ac propterea à Superiore janitor constituatur, qui diligentia, ac morum integritate maximè commendetur, is januæ custodiendæ semper assistat, eamque nemini Fratrum aperiat, nisi socium, & exeundi licentiam obtinuerit.

Nullus à Conventu egredi audeat, nisi ex causa. & cum Socio, licentiæque singulis vicibus impetratâ, ac benedictione acceptâ à Superiore, qui non aliter eam concedat, nisi causâ probatâ, sociumque exituro adjungat, non pe-

tentis

tentis  
centi  
tur.

C  
Super  
beat,

C  
rem i  
itineri

N  
nisi p  
scripti

S  
re pra  
existat  
das pa  
admis  
beanti

H  
bi vid  
lus cel  
riore p

In  
N

bi sepa  
que u  
juncta,  
libris,  
dum R  
lis alio  
& offic  
cellam

tentis rogatu: sed arbitriô suô, neque eundem sæpiùs. Licentia verò generales exeundi, nulli omninò concedantur.

Contravenientes autem pænâ gravi etiam carceris ad Superioris arbitrium plectantur eandem etiam janitor subeat, si sciens exeundi facultatem fecerit.

Cùm autem quis in Conventum revertitur, Superiorem iterum adibit benedictionem recepturus, qui à Socio itineris rationem, & quid rei actum sit diligenter requirat.

Nullos Fratres Romam venire Superiores permittant, nisi priùs à Generali, vel Protectore duntaxat licentiam in scriptis impetraverint.

Si quis autem sine huiusmodi facultate Romam venire præsumperit, voce activâ, & passivâ bienniô privatus existat, subiturus etiam alias arbitrato Superiorum infligendas pœnas. Quæ item omnia adversus eos, qui supradictos admiserint, & receperint, sine ulla exceptione locum habeant.

Habeat Superior clavem ita fabrefactam, ut cùm sibi videbitur, cellas omnes referare possit, & propterea nullus cellam, etiam noctu ita claudat, quin semper à Superiore possit aperiri.

In medio dormitorij totam noctem lampas colluceat.

Nullus etiam Superior cellas sive in claustro, sive alibi separatas à communi dormitorio habeat, sed unusquisque unica cella, eadem cùm cæteris aliorum Fratrum conjuncta, nudis omninò parietibus, ac lectò, & mensâ humilibus, uniformique suppellectili ( ut præfertur ) quemadmodum Religiosos decet contentus sit: possit tamen Generalis alieni ex Superioribus Conventuum, si eorum muneris, & officij necessitatem id exigere cognoverit; alteram etiam cellam concedere.

Cellæ,



Cellæ, sive ædiculæ, quæ extra dormitorium separatim sunt, ad officinas, aut alias ad communem usum & commoditatem Conventûs redigantur.

Sigillatim suo quisque lecto cubet, neque ullibi duo eodem lecto dormire possint, qui omnes ad certam formam redigendi erunt.

In privatis cellis nulli camini permittantur: sed omnes obstruantur statim, cardinibus etiam è parietibus convulsis, ut res illa non ad tempus facta sed ad perpetuam duratura videatur, cellis tamen Generalis, aut alterius Superioris, ac Prædicatoris exceptis.

Conventûs fenestræ omnes, quæ in vias publicas, aut in vicinas laicorum ædes prospiciunt, murò ita obstruantur, ut omnino is prospectus impediatur.

Valetudinarium in singulis Conventibus certò, ac salubriori loco constituatur, quod pro loci situ, ac Fratrum numero, quoad fieri poterit, commodissimum esse possit, in quo Fratres omnes, cum ægrotabunt curentur, nec inde nisi recuperatâ sanitate abire permittantur. Qui verò infirmorum curæ præpositi sunt, omni sedulitate, ac charitate operam suam præstabunt, ac curabunt, ne quid ægrotis omnino desit, quod ad sanitatem recuperandam pertineat.

Ineat ratio, quâ sublatiis licentiis, aut facultatibus hæctenus quibuscunque concessis, degentes extra Conventûs claustra, ad ea quàmprimùm revocentur, nec de cætero, nisi ex gravissima causa à Sede Apostolica probanda, huiusmodi facultates concedi possint.

Nulli imposterum ad habitum, aut professionem admittantur, nisi in Conventibus per Sedem Apostolicam in qualibet Provincia deputandis.

Curent Superiores, ut Constitutio interdicens largitiones, munerum, & præscribens hospitalitatis formam ab omnibus

omnibus  
cavean  
giorum  
in Cap  
bus C  
secus  
tra hu  
maner  
tinent  
inhabil  
ne po  
litate  
etas on  
non re  
In  
forma  
stitutio  
cundum  
gis id  
ctiones  
Constit  
officia  
possint  
observ  
vestitu  
E  
quot  
saltem  
vel ad  
Lector  
probe

omnibus in quolibet Conventu inviolabiliter observetur.

Ut omnis officiorum ambitus occasio præcludatur, caveant omnes à directa, vel indirecta vocatione, seu suffragiorum procuratione, tam pro se ipsis, quàm pro alijs, tum in Capitulis locorum, tum in cæteris, præsertim Generalibus Capitulis aut Congregationibus, seu alibi. Quicumq; secus fecerit, præter alias pœnas, & censuras, hætenus contra hujusmodi ambientes inflictas, quas in suo robore permanere volumus, in pœnam privationis officiorum, quæ obtinent, cõ ipsò incidant, & ad futura quæcunque pariter inhabiles habeantur, super quo cum eis dispensari à nemine possit, nisi à nobis, vel successoribus nostris, & pro qualitate culparum gravius etiam plectantur. Porro supradictas omnes pœnas ad complices, ac simpliciter scientes, & non revelantes extendimus.

In Superiorum, & Officialium omnium electionibus forma præscripta à Sacro Conc: Triden: & Ordinis Constitutionibus inviolabiliter servetur, juventque Electores secundum veritatem cuiusque conscientiæ, probiores, ac magis idoneos se electuros, ac propterea priusquàm ad electionem deveniatur, in primis, & ante omnia prælegantur Constitutiones de qualitate, & requisitis eligendorum. Ad officia, gradus, & Prælaturas illi præcipuè eligantur, qui possint, & consueverint Regulas Ordinis & Constitutiones observare, præsertim quæ pertinent ad servitium chori, ac vestitum, & victum communem.

Eligantur in Capitulo Generali vel Provinciali aliquot graves, & periti ex Fratribus cujuslibet Provinciæ, saltem tres, qui admittendos ad prædicationem Verbi DEI, vel ad audiendas confessiones etiam ipsorum Fratrum, ac Lectores publicos, diligenter simul examinent, priusquàm probentur, & ad hujusmodi Ministeria admittantur. Horum



etiam curæ sit examinare, & probare, tam quoad doctrinam, quàm quoad mores promovendos ad quoscunque Ordines, in quo servetur Decretum ~~Songregationis~~ Interpretum Sacri Concilii Tridentini, hæc de causa nuper editum & promulgatum.

Illud porro Superiores omnes in Domino admoneamus, ut memores sint rationis quàm in novissimo die reddituri sunt pro grege sibi commisso, ac propterea omni studiò invigilent, ut quæ in eorundem Ordinum Regulis, & Constitutionibûs de oratione mentali, silentio, jejniis, Capitulo culparum, aliisque spiritualibus exercitijs prudenter, ac piè sancita sunt, ea omnia, & singula ad unguem observentur, intelligantque super his veluti fundamentis omnium Religionum ædificia construenda, & amplianda esse quæ ut faciliorem exitum sortiantur, & fructus uberiores in animis Fratrum producant, valde opportunum erit, si in quolibet Conventu, singulis hebdomadis habeatur sermo de Religiosa disciplina, Regularique observantia.

Quò verò omnia ordinatè peragantur, appendatur tabella in loco conspicuo uniuscujusque Conventûs, in qua distinctè adnotetur quid singulis horis cujusque diei quilibet Frater præstare debeat, ut certò quòque signò præmonitus, majore animi præparatione suo muneri satisfacere possit. Quæ Ordinis Constitutiones, his Decretis non adversantur, inviolatè custodiendæ erunt.

Quibûs horum Decretorum capitibûs certa pæna præscripta non est, arbitriò Generalis, vel alterius immediati Superioris infligatur. Ut autem hæc Decreta (donec alia quæ pleniorè reformationem facient, edantur) ab omnibus observari possint, distinctè præcipimus Generalibus, ac omnibus aliis quibuscunque Superioribus, ad quos hoc spectat, ut curent, ac efficiant, ea omnia inter alias eorundem

dem  
terdis  
& ad  
in pæ  
bilitat  
ulla e

N  
vatio,  
ut pos  
rio cu  
Ordin  
sentes,  
mensis  
si eoru  
In  
ventib  
trium  
sub pæ  
impon  
25. Me

D  
r  
S

Provin  
taxat  
nam p  
inflita  
eorum  
ri facu  
die 20

dem Ordinum Constitutiones perpetuò valituras redigi, interdici omniò eorum singulis facultate illas declarandi, & adversùs eas unquam dispensandi. Alioquin sciant se in pœnam, Generalatùs, & Officiorum privationis, ac inhabilitatis perpetuæ ad alia quoque munera ipsò factò, & sine ulla exceptione respectivè incidisse.

Ne verò prætextu dilatæ publicationis, eorum observatio, quòquomodò differri possit, aut impediri, volumus, ut post illorum publicationem in Conventu, vel Monasterio cujuslibet Ordinis de Urbe factam, Generalem, aliòq; Ordinum Superiores, cæterosque quoscunque Fratres præsentés, statim, reliquos verò absentes citra montes, unius mensis, ultra montes, trium mensium spatiò inarctent, ac si eorum singulis personaliter intimata fuissent.

Insuper mandamus, quòd Generales in singulis Conventibus citra montes, unius mensis, ultra verò montes, trium mensium cursu, Decreta supradicta, publicari faciant, sub pœna privationis Generalatùs, alijsque arbitriò nostrò imponendis. Datum Romæ apud Sanctum Petrum die 25. Mensis Junii 1599.

**D**ecretum illud, quò Fratres Romam petere cum Generalis, & Protectoris licentia duntaxat permissum est Sanctitas sua extendit ad Provincialem, decrevit. ita ut Provincialis ipse ex causa communi totius Provinciæ duntaxat facultatem hujusmodi facere valeat, declaravitq; pœnam privationis vocis activæ, & passivæ contrafacientibus inflictam Sanctitati suæ reservatam esse, interdici omniò eorum Superioribus singulis, etiam Generali, ac Protectori facultate illam moderandi, ac relaxandi. Datum Romæ die 20. Martii, Annò 1601.



# DECRETA GENERALIA.

Fel. record.

## CLEMENTIS PAPÆ VIII.

*De Novitiis ad habitum Regularem, & professionem  
non admittendis, nisi in Conventibus designandis,  
sub pœnis ut supra, bis in Anno legenda, diebûs à  
Superiore præscribendis.*

## CLEMENS PAPA VIII.

**R**egularis disciplinæ restitutioni, pro qua potissimum juxta nostri muneris debitum laborare non desistimus, illud in primis magnum impedimentum asserre quotidianò usu compertum est, quòd in omnibus Conventibus ijs præsertim, qui majori reformatione indigent, singuli ad Religionem venientes; passim recipiuntur. Unde fit, ut quò magis, nos variis Constitutionibûs malè affectas radices amputare studemus, eò magis in dies depravata, infructuosaque ejusmodi noviter profitentium germina succrescant. Cui quidem malo occurrere volentes, præsentì Decreto statuimus, districtèque præcipimus omnibus Generalibus, Provincialibus, Commissarijs, Ministris cæterisque Superioribus Conventuum intra Italiæ, & insularum adiacentium fines existentium quibuscunque, & quorumcunque Ordinum mendicantium, ut de cætero neminem sub quovis præ-

vis  
nifi  
quae  
ad e  
fuer  
ne q  
Prof  
creti  
omn  
& pe  
nove  
biace  
rum,  
rint,  
Privi  
con

RE

De M

S An  
m  
an  
ni; pr  
lare, a  
pedim  
ventib

### Generalia

52

vis prætextu, aut colore ad habitum Regularem admittant, nisi in Conventibus auctoritate nostrâ propediem in unaquaque Provincia designandis. Insuper sancimus, ut quoad ejusmodi Conventus, ut præfertur per nos deputati non fuerint; omnes præfatorum Ordinum Superiores à receptione quorumcunque Novitiorum, sive ad habitum sive ad Professionem omninò abstineant. Superior, qui hujus Decreti transgressor extiterit, ipsò factò pœnam privationis omnium officiorum, quæ tunc obtinebit, vocisque activæ, & perpetuæ inhabilitatis ad alia imposterum obtinenda, se noverit incurrisse, ac aliis etiam pœnis arbitriò nostrò subiaceat. Receptiones verò, & professiones quaslibet eorum, qui contra hujusmodi Decretum nostrum admissi fuerint, nullas & irritas ex nunc decernimus, & declaramus. Privilegiis, Statutis, & consuetudinibus quibuscunque in contrarium minimè obstantibus. Datum Romæ die 12.

Martii, 1596.

### RENOVATIO, ET AMPLIATIO EJUSDEM D E C R E T I.

*De Novitiis ad habitum Regularem non recipiendis, nisi  
in Monasteriis, & locis designandis.*

SANCTISSIMUS in Christo Pater, Dominus noster D. Clemens Divinâ Providentiâ Papa VIII. cum jam dudum animadverteret collapsæ Regularis disciplinæ restitutioni; pro qua potissimum, juxta sui muneris debitum, vigilare, ac laborare non desistit, illud in primis magnum impedimentum afferre, quod in omnibus Monasteriis, & Conventibus, iisque præsertim, qui majori indigent reforma-

tionem.



tione, singuli ad Religionem profitendam accedentes, pas-  
 sim, ac sine delectu recipiuntur, ac inde fieri, ut quò ma-  
 gis variis Constitutionibùs malè affectas radices evellere  
 studet, eò magis infructuosa noviter profitentium germi-  
 na quotidie succrescant: cùmque ob zelum, ac desiderium,  
 quò tenetur Sanctitas sua omnes Regulares ad vetus suæ  
 cujusque Religionis institutum redigendi, districtè prohi-  
 buerit, ne quis in certis Monachorum, & mendicantium  
 Ordinibus ad suscipiendum habitum Religionis admittetur-  
 tur, profitereturve, quousque Monasteria, & Conventus ali-  
 quot destinarentur in quibus posset commodius Regularis  
 Observantia secundum reformationem à Sanctitate sua in-  
 stitutam introduci: Quia tamen non obstante tali prohibi-  
 tione, cognovit nonnullos fuisse, vel sub colore facultatis,  
 & licentiæ a Sanctitate sua obtentæ, vel quia talis prohi-  
 bitio ad illorum notitiam non pervenerit, receptos, & ad-  
 missos, præter mentis suæ sensum: Idcirco huic malo pro-  
 spicere volens, ne licentiarum, ac facultatum hujusmodi  
 subreptione, ac prætextu, Decretum Sanctitatis suæ irritum  
 reddatur; nunc denuo strictè præcipit, ac mandat omnibus  
 Generalibus, Provincialibus, Commissarijs, Ministris, Præ-  
 sidentibus, Abbatibus, Prioribus, & Gvardianis quibuscun-  
 que, cæterisque Superioribus, Conventuum, Monasterio-  
 rum ac Domorum quòcunque nomine appellantur, intra  
 Italiam, & Insularum adiacentium fines existentium, quo-  
 rumcunque Ordinum mendicantium, (exceptis tamen Car-  
 thusianorum, Fratrum Minorum districtiori observantia,  
 nec non Capuccinorum S. Francisci, Reformatorum S. Do-  
 minici, Discalceatorum Ordinis Carmelitarum, nec non  
 Fratrum Congregationis Fulensis Cisterciensis Ordinis, ac  
 Eremitarum Ereni Camaldulensis, & Montis Coronæ: Cle-  
 ricorum Regularium Theatinorum, Societatis JESU & S.  
 Pauli

Pauli Decollati, & aliorum de Somascha, Ministrorum, Infirmorum, respectivè Ordinibus, Societatibus, seu Congregationibus nuncupatis, quæ etiam antea exceperat, & nunc iterum excipiendò, voluit prohibitionem hanc ad illa nullò modò extendi.) Ne sub cujuscvis licentiæ, & facultatis impetratæ, vel impetrandæ obtentu, nisi per literas in forma Brevis duntaxat, & non alias quemquam ad habitum Regularem suscipiendum, nec etiam conversos, nisi in Conventibus, Monasteriis, & Domibus, auctoritate ejusdem S. D. N. propediem in unaquaque Provincia designandis, recipere, aut receptos ad professionem admittere ullò modò audeant. Quinimò contra primam prohibitionem Sanctitatis suæ receptos, etiamsi imperfectum habitum, aut sine caputio gerant, post præsentis Decreti in Romana Curia publicationem, omnino ejicere debeant.

Superiorem autem, qui hujus Decreti transgressor extiterit, ipsò factò pœnam privationis omnium officiorum, quæ tunc obtinebit, vocis activæ, & passivæ; & perpetuæ inhabilitatis ad alia imposterum obtinenda, eò ipsò incurere voluit, ac decrevit; & aliis etiam pœnis arbitriò Sanctitatis suæ imponendis subiacere.

Receptiones verò, & professiones quaslibet eorum; qui contra hujusmodi Decretum admissi fuerint, nullas, & irritas esse ad quemcunque effectum, ex nunc decernit, & declarat.

Hoc autem Decretum noluit Sanctitas sua eos ordines comprehendere, qui Coenventus, Domos & Monasteria à se probata pro Novitiorum receptione, & educatione, hætenus permissione suâ constituerint.

Cæteras verò licentias, sive particulares quæ in hanc diem effectum non sunt sortitæ, revocat & annullat.

Vult



Vult autem Decretum hoc suum in solitis locis Urbis publicatum ita prædictorum singulos afficere, ac si cuilibet personaliter fuisset intimatum, privilegiis, statutis, & Constitutionibus quibuscunque in contrarium minimè obstantibus. Datum Romæ apud Sanctum Marcum die 20. Mensis Junii 1599.

# FORMULA

*Concedendi facultatem pro Novitiis ad Regularem habitum recipiendis in Monasteriis, & locis designatis.*

**S**ANCTISSIMUS in Christo Pater, & D. N. D. Clemens Divinâ Providentiâ Papa VIII. cùm Regularem disciplinam restituere, atque in pristinum statum revocare maxime cuperet, Regularesque omnes vitam, moresque suos ad rationem ejus instituti, quod quisque professus esset, ita componere, ut quæ ad votorum vim, habitum, victumque communem pertinent, ea potissimum singuli Religiosissime observarent, generali Decretò quod de mense Junii anni 1659. promulgatum fuit, Ordinum Religiosorum Superioribus (nonnullis exemptis) prohibuit, ne aut Novitios reciperent, aut quemquam ad professionem ante admitterent, quàm à Sanctitate sua Monasteria aliquot ad eam rem præscripta essent, in quibus observantia Regularis vigeret. Nunc verò eadem Sanctitas sua à locorum etiam Ordinariis, quibus id muneris demandaverat, certior facta, in infra scriptis Monasterijs & Conventibus Ordinis nostri præfixum esse numerum duntaxat eorum, qui vel ipsius Monasterij censibus, vel consuetis elemosynis sustentari ibi commodè possunt, atque in iis omnia fideliter observari, quæ sunt cum

cum illorum professionis perfectione conjuncta, nempe castitatis, paupertatis, & obedientiæ vota, unâ cum cæteris Decretis particularibus, vel instituti ipsius, vel Pontificiis etiam ad victum vestitumque communem spectantibus ( ipso Decreto, ut supra edito, & promulgato, nequaquam obstante ) potestatem facit, Superiori ejusdem Ordinis Novitiatus in superscriptis Monasterijs, & Conventibus erigendi, Novitios recipiendi, educandi, atque ad professionem admittendi, modo tamen id ad præscriptum instructionis jussu suæ Sanctitatis editum, neque aliô modo fiat. Quoniam verò ea est suæ Sanctitatis mens, & voluntas ut in Monasterijs, & Conventibus, ad alendos Novitios præfinitis, Regularis observantia perpetuò retineatur, mandat, & præcipit, ut in ipsis præscriptus jam personarum numerus imposterum scilicet, nullusque omninò Superior cujusvis conditionis, personarum, & Novitiorum numerum augere præsumat, eâ penâ propositâ, ut in omnibus privatus officii vocis activæ, & passivæ, jus omne amittat. Vult denique Sanctitas sua hujusmodi facultatem per Congregationem Reformationis Apostolicæ, hâc Decretò Secretarij manu subscripto concedi, non obstante Decretò, ut supra promulgato. Datum Romæ die, &c. Præscribitur verò numerus Sacerdotum. Clericorum Novitiorum Conversorum autem &c.

N. VISITATIONIS, ET REFORMATIONIS  
APOSTOLICÆ.

SECR:

*Decretum super forma recipiendi Novitios Regularium ad habitum, & professionem.*

Sanctissimus in Christo Pater & D. N. D. Clemens Divina Providentiâ Papa VIII. qui alias pro Regularis disciplina



disciplinæ restitutione, singulis Regularium Ordinibus ( quibûsdam exceptis ) prohibuit ne ad Regularem habitum Novitios imposterum reciperent, receptosve ad professionem admitterent, quousque in aliquibus cujusvis Ord: Monasteriis, seu Conventibus ( in quibus Novitiatus pro recipiendis, & educandis Novitiis designarentur, & approbarentur ) ad ejus, quam professi sunt, Regulæ præscriptum, vitam moresque restituerent & componerent. certior deinde factus quosdam omnium fere Ordinum Conventus, seu Monasteria ad pristinam illam Regularem vivendi formam, & disciplinam; quam diutiùs desideraverat, fuisse redacta: in eisdem Monasteriis, & Conventibus, ut Novitiatus erigi, Novitiique recipi possent, ( sub certis tamen legibus, ac ea præsertim, ut licentia à Congr: Reformationis Apostolicæ priùs obtenta esset ) concessit, & ad illa designavit & approbavit, nunc volens ut ea, quæ pro Novitiorum receptione, & institutione, de mandato Sanctitatis suæ præscripta fuerunt, imposterum accuratius, & exactius observentur, ultra formam traditam in Constitutionibus sel. rec: Sixti Papæ V. etiam Sanctitatis suæ super receptione Novitiorum decrevit, ac præsentis Decreti virtute mandavit, ne in Conventibus seu Monasteriis ad Novitios recipiendos, de Sanctitatis suæ, seu dictæ Congregationis Reformationis licentia hætenus designatis; & approbatis, seu imposterum designandis, & approbandis Novitii ad habitum recipi ullatenus possint, vel admitti, nisi priùs ab ipsa Congreg: vel à proprijs locorû Ordinariis, aut ab illis, in quorû Diœcesi Novitiatus existunt in quibus Novitii recipiendi fuerint, expressè, & nominatim Novitii ipsi recipiendi approbati fuerint, & ut recipi, & admitti possint, licentiam in scriptis ( gratis tamen in omnibus etiam quoad scripturam concedendam ) obtinuerint, monet autem Sanctitas sua eosdem

*Institutiones super receptione, & educatione Novitiorum Religiosorum in Monasteriis, & Conventibus designatis, vel designandis, Clementis ejusdem jussu edita.*

Cum ad Regularem disciplinam in singulis Religiosorum  
Monasteriis propagandam, Novitiorum institutio maxime  
H 2 utilis



utilis sit, ac necessaria, & nihil ad gravem illam, ac laudatissimam priscorum Patrum vivendi rationem relaxandam majorem vim habuisse compertum sit, quàm vel nimiam in recipiendis Novitiis facultatem supra numerum, quem capere, atque alere Monasteria ipsa possent, vel negligentiam in probando, & examinando eorum spiritu, an verè esset ex DEO, atque ex præcipuo illi interveniendi, vel denique incuriam in eis educandis, atque instituendis. Idcirco, ut hujusmodi incommodo deinceps occurratur, præcipitur omnibus, & singulis, ad quos spectat ut in recipiendis Novitiis, & in eorum institutione, atque educatione, nec non in Ministri, & aliorum Ministrorum electione, præter alia, quæ in sacris Canonibus, ac Decretis, præsertim Concilii Tridentini Pontificis, & cujuscunq; Ordinis, aut institutioni Constitutionibus continentur, tam in alijs designatis, quàm nunc, & in posterum ad hoc designandis Monasteriis, & Conventibus hæc quæ sequuntur inviolatè observari, & exequi perpetuò curent.

Primum, quod attinet ad Novitiorum recipiendorum formam, ultra diligentem perquisitionem, quæ habenda erit de uniuscujusque natalibus, corporis habitudine, moribus, & vta antea acta, ac præcipuè eorum, qui sextumdecimum ætatis suæ annum excedent, an criminosi, an ære alienò gravati, vel reddendæ alicujus administrationis rationi obnoxii sint, juxta formam Constitutionis sel: rec: Sixti V. & moderationum subsequutarum. Illud etiam Superiores ad quos spectabit, sedulò perquirant, ut quibus in Monasteriis, & Conventibus, ex Apostolica facultate Novitiatus fuerint instituti, in iis ad Religionem nullus in posterum admittatur, qui & ex honestis parentibus natus non sit, & conditiones sacris Canonibus, Summorumque pontificum Constitutionibus præscriptas non habeat, juxta Decretum super  
forma

forma recipiendi Novitios die 19. Maii 1620. editum.

Quisque recipiendus in aliquo Ordine Regulari, etiam mendicantium, in ea sit ætate constitutus quàm ejus Ordinis, in quo recipietur, Regularia instituta, & ordinationes requirunt; eam verò literarum scientiam calleat, aut illius addiscendæ spem indubiam præferat, ut minores, & suis temporibûs majores Ordines, juxta Decreta Sacri Concilii Tridentini suscipere valeat. Sed si quis annum vigesimum quintum excedens ad habitum Regularem admitti postularit, & talis eruditionis expertus inventus fuerit, in conversorum tantum, quibus literarum scientia non est necessaria, numerum referatur, ipsi autem conversi non recipiantur ante vigesimum ætatis suæ annum; & nisi saltem præcipua doctrinæ Christianæ capita noverint.

Denique Superiores diligenter exquirant, quò spiritu, quâ mente, ac voluntate id Regularis vitæ genus elegerint, quem sibi finem proposuerint, num zelò melioris frugis, ac perfectioris vitæ, & ut DEO liberius famulari possint, an potius levitate, vel humanò aliquò affectu, aut inordinatò animò ducantur, & an eorum parentes ope, & subsidio ipsorum indigentes destituantur.

Provideant quoque, ut omnes etiam conversi recipiendi; priusquam ad habitum Regularem admittantur, ab ijs, quibus munus hoc incumbit, de Regula, quam professuri sunt, tribûs veis essentialibûs, statuque Regulari, & alijs cujusque Ordinis peculiaribûs institutis, & Constitutionibûs diligenter instruantur. Et quia quarundam Religionum moris est, nedum conversos ad professionem admittendos, verum & oblatos ut vocant, recipere, circa ipsorum oblatorum receptionem unaquæq; Religio suas peculiare Constitutiones, specialiaque instituta observare teneatur.

Statim atque Novitii ad habitum recepti, & in locum

H3

Novi-



Novitatus introducti fuerint, per generalem omnium peccatorum confessionem totius antea vitae conscientiam discutiant, & expurgent.

Quod verò ad loci qualitatem uniuscujusque Novitatus spectat, locus huiusmodi propria clausura ab ea parte Conventus & Monasterii, in qua degunt professi, segregatus sit, atque distinctus, habeatq; tot ad dormiendum cellulas separatas, quot erunt numero Novitii, vel dormitorium ita capax, ut pro singulis singuli lectuli commodè sterni possint, in quo etiam, cellula, vel certus ac determinatus locus pro Magistro, ejusque socio reperiat.

In eo etiam, præter alias communes commoditates aptus locus adsit ad spirituales collationes, seu conferentias faciendas, ac lectiones, instructionesq; Magistri audiendas, & in quem hyemis tempore ad calefaciendum se igne communi recipiant.

Oratorium insuper seu Capella, si commodè fieri poterit, ad Novitios in spiritualibus, præsertim in ceremoniis, Ecclesiasticisque functionibus exercendos.

Hortus quoque peculiaris ad honestam recreationem benè conclusus, atque munitus adsit, sin minùs, hortum cæteris Fratribus communem recreationis tempore ingrediantur. Ipsis verò Novitiis ibi commorantibus, curabit Magister cum loci Superioris auctoritate ( si opus fuerit ) ne in eundem quisquam alius ingrediatur.

Ad huiusmodi locum Novitatus nemini ejusdem, vel alterius Ordinis Regulari etiam Conventus, & Monasterii Officiali, ullò unquam tempore sub quovis prætextu aditus pateat, præterquam Magistro, ejusque socio, ac etiam Monasterii, aut Conventus Superiori, si quandocunq; ingrediendum sibi necessariò existimaverit, quò tamen casu aliquem semper ex senioribus Conventus, vel Monasterii Patribus socium assumat.

Hujus

Hujus loci clausuræ clavis apud Magistrum semper aservetur, illique soli liceat ex gravi tantum causa ingressum illuc alicui permittere: si quis autem Novitiorum quempiam alloqui voluerit, Magistro præsentem, & non aliter alloquatur.

Novitiorum Magistro socius, si per Novitiorum Instruendorum multitudinem necessarius fuerit, vitâ, & moribus (quoad fieri poterit) consimilis deputetur, qui in his, quæ ad Novitiatûs regimen spectant, dicto Magistro immediate subjectus existat, eliganturque tam Magister, quàm socius per Provinciale Capitulum, per triennium ad minus onus hujusmodi subituri. Quod si aliquô casu extra tempus capitulare nova loca Novitiatûs concedi contingat, tunc electionem Magistri Novitiorum, & socij hujusmodi in his novis locis per Generalem, vel Provincialem, seu Ministrum, aut eorum Visitatorem, seu Vicarios, de Definitorum tamen, vel graviorum aliorum Patrum consensu fieri permittatur: idemq; servetur si intra triennium, alterum, vel utrumque urgenti aliqua de causa ex illis locis amoveri, vel mori contigerit, in cujus, vel quorum locum alij consimiles subrogari debeant.

Tam Novitiorum Magister, quàm socius ab iis omnibus officiis, oneribusque vacationem habeant, quæ Novitiorum curam, & regimen impedire valeant. Ipse Magister Sacerdotali ordine sit initiatus, ac in quinto saltem supra trigessimum ætatis suæ anno constitutus, & per decennium à professione emissa in Religione perstiterit, socius verò trigessimum annum excedat, sintq; ambo doctrinâ, & quantum per Superiorum diligentiam, & vires fieri poterit, vitæ etiam, anteaquæ exemplô præstantes, orationis præterea, & mortificationis operibus addicti, prudentiâ, charitateque referti, non sine affabilitate graves, zelum DEI cum

manve-



mansuetudine præferentes: ab omni cordis, ac animi perturbatione ira præsertim, & indignatione, quæ in se, & erga alios charitatem impedire consueverunt, quàm longissimè alieni, & tales demum, qui in omnibus seipsum bonorum operum exemplum præbeant, ut ii, qui eorum curæ subsumunt, illos non tam metuant, quàm revereantur, nec illis unquam detrudere quidquam possint.

Habeat etiam Magister plenam, & absolutam potestatem, circa Novitiorum institutionem, ac Novitiatûs regimen, ita ut in illis nemini (Visitatoribûs ac Superioribûs majoribûs, vel etiam localibûs exceptis) quovis colore se ingerere liceat.

Curam adhibeat diligentem, ut Novitii omnes in Regulari disciplina sedulo exerceantur, agnoscantque præcipuè divinæ, quâ digni facti sunt, vocationis præstantiam & excellentiam, quæ vera sit, atque perfecta votorum solennium, & quàm necessaria cujusque Ordinis Constitutionum observantia modum in oratione, tum vocali, tum mentali fructuosè persistendi, illicitas passiones, & vitia (ad quæ natura per peccatum labefactata omni tempore prona est, atque proclivis) per sensum custodiam, & mortificationem cohibendi, austeritatem, jejunia, cilicia, disciplinas, conscientie puritatem, crebram illius discussionem, Sacramentorum frequentiam, confessionis præsertim, quæ bis saltem singulis mensibûs fit, per apertionem quotidianam motuum internorum, cordis, & tentationum manifestationem, per exercitium humilitatis, circa viliora Ministeria per modestiam in omnibus actionibus, diuturnumq; silentium.

Quilibet Novitius bis quotidie orationi mentali, & vocali incumbat, unusquisque secundum propriam capacitatem, & ordinem sibi à Magistro præscriptum, ac pluries in die propriam conscientiam unusquisque examinare contendat.

Ipsi

Ipsi autem Magistro soli Novitiorum confessiones audiendi cura committatur. Liceat tamen Superiori, etiam locali, si ita expedire judicaverit, vel per seipsum, vel per alium ab eo deputandum, semel aut bis in anno eorundem Novitiorum confessiones audire.

Quotidie Missæ sacræ ficio intersint, & statutis horis in Choro, nocturnis, diurnisque divinis Officiis assistant.

Exercitationibus etiam corporalibus vacent, legant, vel scribant res spirituales, modestam animi recreationem interponant, quæ in solitario loco, & commode extra Novitiatum semel in hebdomada, vel in alternis saltem hebdomadibus longior statuatur, fiatque semper Magist. præsentem, vel soci. qui multum invigilent, ne duo ab aliis commorentur disiuncti, atque eò tempore, cujusque, in quam, natura feratur, propensionem scrutentur.

Non liceat eis, durante Novitiatu, & probationis tempore, unà cum Professis, nisi in Choro, in Ecclesia tempore officiorum, in processionibus aut in cænaculo causâ refectiois commorari, nec permittatur eis, Professionis domo exeuntes comitari.

Pro communibus, & proprijs cujusque necessitatibus, quæ accidere possunt, unus ex Novitis ipsis, ætate, moribusque provectior deputetur, qui absente soci. Magist. permittente, omnia prout opus fuerit, agat, cui etiam januæ custodia, & rerum levioris momenti provisio intra Novitiatum committi poterit.

Cum autem, licet Clericorum bene instituendorum cura debeat esse præcipua, Conversorum tamen Religiosa instructio non sit prætermittenda, quin potius æquanimiter amplexanda, quandoquidem satis exploratum est illorum etiam, cum Regulam profiteantur eandem, perfectam educationem, tum Religioni decorem, & ornamentum, tum aliis



Christi fidelibus ædificationem, exemplum atque utilitatem afferre. Conversis ipsis à Clericorum Novitatu separatus ad dormiendum locus (quantum commodè fieri poterit) assignari præcipitur. Illi tamen hæc separatione non obstant Magistro Novitiorum, seu Superioribus Monasteriorum, & Conventuum juxta cujusque Ordinis Statuta, & Constitutiones subditi esse, & obedientiam præstare, debebunt à quo non tantum circa corporalia obsequia probandi, & exercendi, verum etiam pro eorum capacitate, & commoditate, de spiritualibus, præsertim de modo mentaliter orandi, diligenter instituendi erunt, quod ut commodius fiat ad Capitula, & spirituales Conciones, quæ per Magistros Novitiis fieri solent, accersiri debeant, & in Ecclesiis statutis horis convenient, nisi tunc in suis officiis actualiter occupati fuerint.

Tempore verò probationis elapsò, ii tantum, qui non solum Religiosæ perfectionis capaces: sed ad laborem corporalem apti novo, ac diligenti examine reperti fuerint (dummodò ætatis suæ annum quoad Clericos decimum sextum, quò verò ad Conversos, vigesimum primum excesserint) ad professionem admittantur. Sed qui ad Conversorum habitum recepti fuerint, ad Clericorum statum transire, etiam durante tempore probationis, non possint.

Superior cujuslibet Conventus, in quo Novitiatus fuerit constitutus particularem librum habeat, in quo uniuscujusque Novitii professio registretur, illamque Novitiis professus propriâ manu, & duo testes, qui præsentis fuerint, subscribant.

Conversus verò literarum ignarus, professus, in eorundem, testium, qui se subscripserint præsentia, propriâ manu signum Crucis apponat, asserveturque liber, & custodiatur in Archivio, ubi scripturæ ad Monasterium seu Conventum pertinentes reponi consueverunt.

Quia

Quia verò in quibusdam Ordinibus, filiationis usus est receptus, declaratur, quòd licet Decretum sit, ut Novitiis educandis certa Monasteria, aut Conventus designata quilibet Ordo habere debeat, licitum tamen sit Superioribus Monasteriorum, & Conventuū hujusmodi Ordinū, in quibus filiationis usus receptus est, eos, quos prænarratis qualitatibus suffultos repererint, in suorum locorum filios, juxta cujusque Ordinis Constitutiones adscribere sicq; adscriptos cum juxta præsentes institutiones, & alias servatis servandis, ad Ordines recepti fuerint, ad loca Novitiatuum cum, testimonialibus literis transmittere, ut tanquam dictorum Conventuum seu Monasteriorum filii eorundem nomine, & instantiā recipi, ac in Novitiatu probari, & deinde, antequam ad eadem Monasteria seu Conventus filiationis hujusmodi remittantur, in professorio ad perfectionem, ut permissum est, exerceri debebunt.

Ponò ne loca unius Monasterii, seu Conventus ab alio præoccupentur, Capituli Generalis, aut Provincialis partes erunt, numerum præscribere pro omnibus, & eam similiter rationem circa alimentorum contributionem (si opus fuerit) intrare, ac singulis Conventibus, & Monasteriis præscribere, quæ malis expedire videbitur.

Ut autem Novitiū jam in Professorum numerum (sicut præmittitur) recepti melius in bono spiritu, Regularique disciplinæ observantia stabiliantur, & confirmentur, mandatur ut statim professionem emissam, si in Conventibus, ac Monasteriis pro Novitiis assignatis locus aderit secundi Novitiatus, sive Professorii ab ea, quæ Novitiarum est, atque antiquorum Professorum habitatione distinctus, & segregatus, ibi collocentur, si Monasterium, aut Conventus eos alere queat, sin minus, in alium commodiorem Conventum, aut Monasterium transferantur, in quo is locus cum requisitis ad Novitiatum supra narratis recipiatur, vel accomodetur, aut de novo construatur. Ab



Ab hoc tamen illæ Religiones excipiuntur, quæ suarum Constitutionum, seu institutorum vigore, majoris temporis cursu novos professos intra Novitiatum detinere consueverunt, quibus in hac parte non derogatur, illis tamen permittitur, ut prædictis earum Constitutionibus non obstantibus, id ipsum facere possint, si id rationi, ac Religioni magis expedire dijudicaverint, quibus in locis degant sub Regulis, & modo vivendi adhuc arctiori quàm servant antiquiores professi, ita quod in negotiis Monasteriorum, aut Conventuum non se intromittere, nec communibus tractatibus interesse, neque alicujus exterioris obedientiæ officium exercere debeant, ibique permaneant quosque ad ætatem Sacris Ordinibus suscipiendis sufficientem devenerint, vel saltem per triennium post Professionem, quò etiam tempore poterunt, quinimo, & debebunt literarum, studiis operam navare sub directione, ac regimine Superioris, qui eas qualitates habeat, quibus Novitiorum Magistrum prædium esse oportere dictum est.

Declaratur tamen, quod propter præmissa non censeatur concessa licentia recipiendi Novitios, nisi in locis pro Novitiatu designatis, aut in posterum designandis, & pro numero dumtaxat in eorum singulis præscripto, vel præscribendo.

Denique si illi, qui inter Religiosos gradu, & Ordine Superiori sunt, & alii, ad quos spectat, in prædictis omnibus, vel eorum aliquo deliquerint, seu quòvis modo contraxerint, officiorum omnium, quæ tunc obtinebunt, privationem, gravioreque pro modo admittæ culpæ pœnas, se futuros certò sciant. Datum Romæ apud Sanctum Petrum die 19.

Martii 1603.



Legumia in Capto 2do Guali assignata - - fol. 16

institutio-  
tos intra  
atur, illis  
tribus, id  
judicave-  
e archiori  
eriorum,  
interes-  
t, ibique  
ficientem  
am tem-  
avare sub  
ibus No-

concessa  
s, aut in-  
ulis præ-

iori sunt,  
delique-  
unc obti-  
as, se su-  
die 19.



600

Bibi Jag



600

×KSIEGARNIA×  
ANTYKWARIAT

DOM  
KSIĄZKI  
DOM

170033 F

std10022372

Biblioteka Jagiellońska



